

10145

Huzur Singhpal

Surenderpal Singh

✓

2972
U-194

03 NOV 200

ԻՍԼԱՄՈՒԹԵԱՆ
ՄԱՐԳԱՐԵՆ ՄԱՀՄԵՏ

ԳՈՐԾ

ԹՈՄԱՍ ԴԱՐԿԱՅԻ ԱՆԳՂԻԱՑԻ ՓԻԼԻՍՈՓԱՑԻՆ

Հովհանոսութեամբ թարգմանեալ անդրիական քնազիւէն. * * *

* * * Ժամանակակից օսմանեանց համեստութեան պետքն:



ՏՊԱԳՐԱԹԻՒՆ Ռ. ԱՊԳԱՆԱՆ
ԿՈԼՈԹԱ, Կ. ՊՈԼԻՍ
1910

297 գ.
Դ-196



ԵՐԱ ՏԱԿ

2979. 2979.
7-194. 5-194.

գր.

ԻՍԼԱՄՈՒԹԵԱՆ

ՄԱՐԳԱՐԵՆ ՄԱՀՄԵՏ

ԳՈՐԾ

ԹՈՄԱՍ ԳԱՐԼԱՅ ԱՆԳՂԻԱՑԻ ՓԻԼԻՍՈՓԱՅԻՆ

3625 1007-31452

3625

Համեմատութեամբ բարզմանեալ անգղիական բնագիրեն՝ * * *

* * * Ժամանակակից օսմանեանց համերաշխութեան պէտքն:



ՏՊԱԳՐՈՒԹԻՒՆ Ո. ԱՊԳԱՎԱՆ
ԿԱԼՈԹԱ, Կ. ՊՈԼԻՍ

1910



Հ. ՀԱՅՐԱՄ ՖԻՐԱՐԱՐ
ՏԵ. ՊԵՏ. ԵՎԱՆԿԵՐԵ
ՀԱՅՀ - ՀՀՊՀ
Խ. Ա. Խաչատրյան

Ա Պ Ւ Տ Տ Բ



Օսմանի իսլամաց եւ քրիստոնէից, մանաւանդ
Հայոց, բաղաբակցական ու երկրակցական եղբայրու-
թեան վերջին հանդիսաւոր պատեհով, որ օսմանեան
սահմանադրութեամբ այ օծուեցաւ աշխարհօրէն,
պարտ համարեցին հրատարակել Թումաս Գարշայ
մայրական մեծ իմաստասերին այս Զեռնարկը մար-
զարէ Մահմետի վրայ, որով չեզոք եւ իմաստասերա-
կան գաղափար մը կրօնան կազմել մերային իսլա-
մութեան եւ իր մարզարէին սկզբանց ու կենցաղին
վրայ եւ աւելի հաշ բերուիլ կրօնիք մը հետ, որ ու-
նի իր մեկէ աւելի հաշ առջևութիւնները քրիստո-
նէութեան եւ Ս. Գիրքի հիմնական սկզբանց հետ:

Համերաշխութեան ու խաղաղութեան մեծ եւ
կարեւոր գաղափարականին բանաւոր սպաս մը մա-
տուցանել եւ փիլիսոփայական անձնական սեւակէսէ մը
նկատել սալ դեռ այս տուեալները, ա'ս եղած
է զյսաւոր դիտումը բարգևանիցին եւ ասով միայն
ակն ունի արդարանալ անձուկ խորասիրութեանց
հանդէպ:



ԹՈՄԱՍ ԳԱՐԼԱՅԼԻ

ԽՕՍՔ Բ.

ԲՈՎԱՆԴԱԿՈՒԹԻՒՆ

Դիւցաղնն ա'լ չնկատուիր իբր աստուած, այլ իբր աստուածագեցիկ։ Ամէն դիւցաղն՝ սկիզբով նոյն հրթէն է։ միայն իր ընդունուած եղանակով տարբեր։ Դարու մը ճշմարտագոյն փորձաքարր՝ դիւցաղնին ընծայած յարգն է։ Ողին. Պընս։

Մահմէտ՝ է ճշմարիտ մարդարէ, հնարագործ գէտ մը չէ։ Մեծ մարդ մը ու հետևաբար նախ անկեղծ մարդ մը, ոչ մէկ մարդ պէտք է դատել միայն իր վրիպակները նկատելով։ Դաւիթ՝ երրայեցի արքան։ Մարդկային ամէն գործերուն մէջ զրդ զումն ամէնէն աստուածայինն է։ ամէնէն մահացու մեղքն է։ առանց մեղքի ըլլալու հպարտ անձնահաճութիւնը։

Նկարագրութիւն Սրաբրիայի։ Սրաբները միշտ եղած են վայրի ու զօրաւոր զգացումներավ օժտուած ժողովուրդ մը, և աննուածելի։ Իրենց կրօնական բնաղդը, իրենց աստղապաշտութիւնը, իրենց մարդարէներն ու ներշնչեալ մարդիկ։ Յորէն ցայնօր։ Իրենց սրբազն վայրերը, Մէքքէ, իր նոր դիրքը, պատմութիւնը, կառավարութիւնը։

Մահմէտ։ իր երիտասարդութիւնը, իր գորովագութ մեծ հայրը, և ոչ մէկ դպրոցական դաստիարակութիւն առած, իր ուղերութիւնները Սուրբիայի տօնավաճառները, ուր առաջին անդամ յարաբերութեան մէջ գտնուեցաւ քրիստոնէական կրօնքին հետ։ Անկեղծ, եղբայրագորով, ամուր մարդ մը բոլորովն։ Բարեծիծաղութեան և բարկութեան բարի ցայտեր անոր վրայ։

Կամուսնամայ Քատիշայի հետ։ իր մարդարէութիւնը կասպարիզացունէ քառասուն տարեկան հասակին, Ալլահ եվիկ, Ասուած մեծ է. իսլամ, պէտք է հպատակինք Աստուծոյ։ Եւ արդեօք ամէնս ալ այս միտքով իսլամ չե՞նք ապրիր։ Մահմէտ՝ մարդարէն Աստուծոյ։

Բարեկաւն Քատիչայ կը հաւատայ Մահմէտի մարգարէութեանը . չնորհապարտութիւն Մահմէտի : Իր յամրընթաց յաջողութիւնները . իր քառասունի չափ ազգականներէն՝ միայն Երիտասարդն Ալի կը միանայ իրեն , իր բարի հօրեղբայրը կը դժգոհի Մահմէտի . Մահմէտ արտասուազին՝ կը պնդէ իր առաքելութեան վրայ . հիճրէթը . տարածումն հաւատքի սուրով , նախ պէտք է դանել իր գործիքը (սուր կամ ա'յլ ինչ) . բան մը կը տարածի ինչպէս որ հսար է . բնութիւնն արդար իրաւընտիր մըն է : Մահմէտի հաւատքն անբաղդատելի կերպով լաւագոյն է քան փայտէ կուապաշտութիւններն և խազմարար աղանդները Սուրիայի , զոր չնջեց սպառեց մահմէտականութիւնը :

Փորանն՝ իբր համաշխարհական կամոնագիրք մահմէտականներու կեանքին , անոնց գրուած այլ անկեղծ գիրք մը . խանդավառ նախսասացութիւններ անակնկալ կերպով գրուած մարմինի արիւնի և հոգիի թշնամիններու դէմ պատերազմի մը կրակութոյ աճապարանքին միջոցին : Իր բանաստեղծական թափանց հոգետեսութիւնը Մարդ , աշխարհ , մարդկային սիրակցորդութիւն՝ ամէնն ալ բովանդակապէս հրաշալի են իրեն համար :

Իր կրօնքն յաջողութիւն գտած է՝ ոչ իբր «ըլլալով դիւրնծայ» , ոչ մէկ բան կը յաջողի աղով . Այդ հաւատքին զգայական մասը Մահմէտի գործը չէ՝ ինք ժուժկալ էր սակայն , ինք իսկ կարկըտէր իր հագուստը . ինք ցուցուց որ դիւցալն մըն է՝ բիրտ և իրական փորձութեանց մէջ քսան երեք տարի : Իր վեհանձնութեան և անձնուրացութեան նշանակելի ցոյցերը : Մահմէտ բոլորովին զերծ էր կեղծաւորութենէ :

Իր բարոյական պատուէրները , անոնց մէջ կայ միշտ դէպի բարին բերում մը : Իր Արքայութիւնն և Դժոխիքն զգայական են , բայց ոչ բոլորովին : Պարտականութեան անհուն սահմանը Զգայականութեան չարիքը կը կայանայ հաճոյ բաներուն սերուկ ըլլալուն և ոչ թէ անոնք վայեկելուն մէջ : Մահմէտականութիւնը սրտանց հաւատացուած կրօնք մըն է . Եւ արաք աղոյին համար եղաւ ծնունդ մը խաւարէն ի լոյս . Արարիա՝ անոր չնորհիւ՝ կենդանացաւ առաջին անգամն ըլլալով :

♦♦♦♦♦



ԴԻԻՑԱՁՆՆ ԻԲՐԵՒ ՄԱՐԳԱՐԵ ՄԱՅԱՏ ԵՒ ԽՈՍՔ^(*)

(Ուրբաթ 8 Մայիսի 1840)

Հիւսիսի Սկանտինաւեանց հեթանոսութեան նախնական բիրտ ժամանակներէն դէպի ասդին գալով կը հասնինք կրօնական շատ տարբեր գրութեան մը , նոյնպէս շատ տարբեր ժողովուրդի մը մէջ .— Մահմէտականութիւնն Արաբներու մէջ Եւ հոս՝ մե՛ծ է փոփոխութիւնը . ինչ փոփոխութիւնն ինչպիսի յառաջխաղացութիւն՝ տիեզերական կացութեան ու մարդկային ըմբռնմանց մէջ :

Հոս դիւցազնը՝ չէ նկատուած մարդոցմէ իբր աստուած , այլ իբր աստուածազդեցիկ , իբրև մարդարէ : Դիւցազնապաշտութեան երկրո՛րդ փուլն է աս . առաջնը կամ հնագոյնը՝ կը ընանք ըսել անցած դնացած է

(*) Թումաս Գարլայլ անգլիացի հոգեկան իմաստակրին դիւցազնապաշտութիւն անունով հրատարակած կարգ մը գըրուածներուն երկրորդն է աս . առաջինը կը խօսի Ողինի ու Սկանտինաւեանց զիցապաշտութեան վրայ :

ա' և անդարձ անհետա Աշխարհի պատմութեանց մէջ ա' լ չպիտի երևի մարդ մը՝ որ միւս մահկանացու մարդիկ համարին աստուած, որչափ մեծ ալ ըլլայ: Եւ արդ բանաւորապէս հարցունելով ալ՝ թէ կարգ մը մահկանացու արարածներ ստուգապէս մտաբերա՛ծ են՝ որ այս ինչ մարդը, բնակակից ու դրակից իրենց, աստուած էր ու ստեղծող աշխարհի՝ հնար է մեզի պատասխանել վժերևս ո՛չ երբէք այլ սովորաբար այսպէս կընէին անցեալ ու յիշատակեալ անձի մը համար՝ որ երկցած էր երբեմն աշխարհի վրայ, բայց այսուհետեւ այս բանն անդամ մըն ա' լ չպիտի ըլլայ կարելի. ա' լ այսուհետեւ երբէք աստուած չպիտի խոստովանին մարդիկ մեծ մարդը:

Թիրտ ու անհեթեթ վրիպակ մըն էր մեծ մարդն աստուա՛ծ համարել. այլ սակայն՝ ըսենք՝ գծուարին եղած է միշտ գիտնալ թէ ի՞նչ է նա, կամ ի՞նչ անուն տալ պէտք է անոր, և կամ ի՞նչպէս ընդունիլ զինք: Ու եցէ դարու մը նշանակելի դրոշմն եղած է՝ մեծ մարդ մը ընդունելու կերպը, հասարակաց ճշմարիտ բնազդմանց համեմատ՝ անոր մէջ կա՛յ աստուածանման բան մը, և մեծ խնդիր է թէ աստուա՛ծ մը կամ մարդարէ՛ մը համարելու են զայն մարդիկ, կամ թէ ուրիշ ի՞նչ մը համարելու են, Ասոր տրուած պատասխանէն պիտի կըրնանը թափանցել՝ իբրև փոքր լուսամուտէ մը՝ անոր ժամանակակից մարդոց հոգեկան վիճակին խորերը: Զի մարդն հոյակապ՝ իբր արդասիք բնութեան ծոցին՝ ըստ սկզբան նո՛յն է միշտ ամէն տեղ. Ողին, Լուտեր, Ճօնսըն, Պըրնս ամէնն ալ ըստ ծագումին նոյն նման նիւթէն են, և կը յուսամ որ պիտի կըրնամ հաստատել զայս: Ասոնք իրարմէ անբաւապէս կը զանա-

զանին անո՛վ միայն՝ որ մարդիկ կընդունին անոնք այլ և այլ անունով և իրենք կը գործեն այլ և այլ եղանակով: Ողինի մատուցուած պաշտամունք կը զարմացունեն մեզ. Երկիր պագնել հոյակապ մարդուն՝ սիրոյ և հիացումի զառանցանքով և կարծե՛լ զայն երկինքէն իջած անձ մը, համարել զայն աստուած՝ ստուգիւ տղայութեան գործ էր, բայց ընդունիլ, օրինակի համար, Պըրնսըն այնպէս ինչպէս ընդունեցինք մէնք՝ նոյնպէս կատարելութեան վայելուչ բան մը չէր: Երկնից մեզի պարգևած աղնուադոյն ձիրն է «Հանճար մը», ինչպէս սովորութիւն է կոչել, այսինքն՝ մարդու հոգի մը դրկուած ներգործաբար երկինքի. բարձունքէն՝ Աստուծուց աւետիքովն առ մեզ. ու մենք կը թողունք կը լքանենք զայն իբր անպէտ չքոտի հրթիռ մը՝ քիչ մը ատեն մեզ զբօսուցանելու համար զրկուած, և կը թաղենք զայն իբր մոխիրին մէջ՝ արհամարհ և անարդիւն. հոյակապ մարդու մը եղած այսպիսի ընդունելութիւն մը՝ անհնար է որ վայելուչ բան մը եղած ըլլայ: Իրերու խորէ՛ն գատելով՝ Պըրնսի (*), հանդէպ այս մեր անարդանքն համարելի է նոյն իսկ Սգանտինաւեանց ընթացքէն աւելի տիրական տղայութիւն մը ցուցընող տգեղագոյն երկոյթ մը: Միայն սիրոյ և հիացումի անխորհուրդ զառանցանքի մը մէջ մողիլ՝ անսագտանելի բան մը չէր, բայց անբանաւոր ու մանաւանդ անմիտ արհամարհանքն ալ՝ նոյնքան և աւելի վատթար տղա-

(*) Անդզիացի նշանաւոր բանաստեղծ մըն է՝ Դուրեան Պետրո՛ս բրիտանիկ, որ անտեսուած և թշուառ ապրելով մեռաւ. Պետրոսի ու նմաններուն պէս զնաց մեռաւ. որ սիրուի և յարգը ճանչցուի:

յութիւն է։ Կայ բան մը՝ ենթակայ մշտական փոփո-
խումի՝ — պաշտօնը դիւցազուններու, որ իւրաքանչիւր
դարի մէջ ունի տարրեր եղանակներ, ու դժուարին
է կատարել զայն ամէնալաւ եղանակով ինչ և է ժա-
մանակի մէջ։ Ասոր համար՝ իրաւապէս կը ընամ ըսել թէ
դարի մը բովանդակ իրողութեանց ոգին ու շունչն է՝
արժանի պաշտօնը դիւցազուններուն։

Զեռք առինք խօսիլ Մահմէտի վրայ՝ իրը ոչ եթէ
երեւլագոյնն է նա մարդարէններուն մէջ, այլ անոր հա-
մար որ համարձակ ազատաբերութեամբ կը ընանք խորհր-
դածել իր վրայ։ Նա՝ մարդարէններուն ամէնէն ճշշ-
մարիտը չէ, այլ ես կը համարեմ զայն իրրե ճշմարիտ
մարդարէ մը (։ Ասկէ զատ՝ քանի որ մենէ ոչ մէկուն
մահմէտական ըլլալուն վտանգ չիկայ՝ հնար եղածին
չափ լաւը պիտի խօսիմ իր վրայ. արդարութեամբ իր
դաշտնիքին հասաւ ըլլալու միջոցն է աս։ Փորձենք ու-
րեմն գիտնալ թէ ի՞նչ կը խորհիք ինք աշխարհի վրայ,
և այն ատեն դիւրին պիտի ըլլայ մեղի խելամուտ ըլ-
լալ՝ թէ ի՞նչ խորհեցաւ և մինչև ցարդ կը խորհի աշ-
խարհ իր վրայ։ Սովորաբար կը կարծէինք թէ ինք Մահ-
մէտ ծածկամիտ մըն էր, դաշտնիքն մարմնացեալ, և
իր կրօնքը՝ լոկ չափազանցութեանց և միամտութեանց
զանգուած մը. բայց այս կարծիքն հիմայ և ոչ մէկուն
ընդունելի է։ Մեզի՝ միայն պատիւ չեն բերեր այն ա-
ռասպելք, որոցմով նախանձաւոր քանի մը բարեմիտներ
դրուագած են մարդարէ Մահմէտի պատմութիւնը։ Երբ

(*) Քրիստոնեայ բողոքական փիլիսոփայ մը՝ ասկէ մեծ դո-
վեստ չկը ընալ տալ անքրիստոնեայ մարդարէի մը . . .

Բոգոգ հարցուց կրոգիոսի (։) թէ իրա՞ւ բան մըն էր ա-
զաւմիի վէպը, որ իրը թէ վարժութեամբ մը մարդա-
րէ Մահմէտի ականջին վրայէն կուգար քաղել ցորենի
հատիկներ, և կը կարծուէր անոր խորհրդատու հրեշ-
տակը, կրոգիոս պատասխանեց թէ չէ ր իրաւ։ Եւ հի-
մայ՝ ժամանակն է մերժելու այսպիսի զրոյցները. հա-
զար երկու հարիւր տարիէ ի վեր՝ ցայսօր ևս Մահմէ-
տի խօսքն եղած են բան կենաց հարիւր ութտուն մի-
լոն մարդոց, որ մեզի նման ստեղծուածներ են Աս-
տուծոյ։ Արարիչին արարածոց ամէնէն բազմաթիւ մա-
սերէն մին՝ կը հաւատայ այսօր մարդարէ Մահմէտի
խօսքերուն քան ուրիշ ինչ և է. վարդապետութեան. և
կարելի՞ է մեզի ենթադրել թէ անոնք ըլլան կարդ մը
սովորական հոգեխօսութիւններ, որով ապրեցան ու մե-
ռան այնչափ հազարաւոր ստեղծուածք Ամէնակարողին։
Հեռի՛ ինէ այդպիսի ենթադրութիւն, որ յօժարամիտ
կը հաւատամ աղկէ զատ շատ բանի։ Երբ անգամ մը
հաւանինք կարծել թէ աշխարհ կը տածէ ու կը պահէ
ալ այսպիսի միամտութիւններ՝ մարդ խորհրդակորոյս
կը խելագարի աշխարհի իրաց ընթացքին համար։

Որչափ ցաւալի են այս տեսակ ենթադրութիւնք,
եթէ կուգենք խելամուտ ըլլալ Աստուծոյ ճշմարիտ ըս-
տեղծագործութեան՝ պէտք չէ հաւատք ընծայենք սյդ-
պիսի խօսքերու, որ միայն սկեպտիկեան դարի մը ար-

(*) Կրոգիոս՝ էր հրապարակագիր բազմահմուտ Հոլանտացի,
1583-1645. Հեղինակ նշանաւոր De jure belli et pacisի,
որուն մէջ հիմք դրած է արդի իրաւագիտական սկզբանց։ Իսք՝
տասը տարի՝ Շուէտի թագուհւոյն, Քրիստինէի, գեսպանն ե-
ղաւ ի մրանսաւ։

դիւնքն են ու կը ցուցընեն հոգեկան ցաւալի կարկամութիւն մը, մարդու հոգւոյն բովանդակ կենդանի—մեռելութիւնը։ Այս կարծիքն աւելի աստուածանդէտ կարծիք մը չեղաւ երկիրի վրայ, ինձի ալյապէս կը թուի։ Սովորական մարդ մը կրօնը հաստատէ։ և ինչպէ՞ս, սովորական անձմարիտ մարդն աղիւսէ խրճիթ մը անգամ չկրնար շինել։ Եթէ չգիտնայ նա ստուգիւ շաղախին թրծեալ կաւին ու միւս գործածքին յատկութիւններն՝ իր շինուածն ոչ թէ խրճիթ մը, այլ տիսեղծ կոյտ մը կըլլայ։ Մարդարէ Մահմէտի շինածն ալ՝ այդպիսի պարագայի մը՝ չէր կըրնար գիմանալ տասներկու դարերու մէջ տաղաւարելու համար անընդհատ հարիւր ութսուն միին ժողովուրդ, այլ կը հոսէր կիյնար նոյն հետոյն Այսպիսի մարդ մը՝ պարտի համակերպած ըլլալ իր անձը բնութեան օրէնքին ու էապէս հաղորդ անոր և իրաց իսկութեան հետ ապա թէ ոչ բնութիւնն ինք կը պատասխանէր անոր թէ մի՛ մի՛ բնաւ։ Ճշմարտանմանք միայն երեսյմն ունին ճշմարիտին. բարէ, կալիոսդրոյ մը և շատ կալիոսդրոներ՝ շքեղ ու բռնազրօս աշխարհավարներ՝ կըրնան յաջողիլ իրենց շաղփազփութիւններով, բայց օ՛ր մը միայն. նման կեղծ թղթադրամներու՝ կանցնին իրենց հեղինակներուն անարժան ձեռքէն և ուրիշները կը տուժեն անոնցմով։ Բնութիւնը, բոցաշունչ հրարձակութիւններով, ֆրանսական յեղափոխութեան և ուրիշ նոյնպիսեաց միջոցով, կը հրատարակէ ահաւոր ստուգութեամբ մը՝ թէ կեղծ թուղթերը միշտ գործն են կեղծարարներու։

Սակայն մեծ մարդուն համար՝ ես կը համարձակիմ վկայել թէ անհնար է որ ճշմարիտէ տարբեր բան

մը ըլլայ նա։ Ո՛չ Միրապոյ կամ նաբոլէոն կամ Պըրնս և կամ Գրոմուէլ, և ո՛չ ուրիշներ կարող են գործ մը կատարել՝ առանց ողիով չափ և լրջօրէն անձնանուէր ըլլալու անոր. և ա՛ս է անկեղծ մարդուն սեպհական գրոշմը։ Անկեղծուրին ն, ըսել կուղեմ, խորին, մե՛ծ, անխա՛ռն միամտութիւն մը, որ և է գլխաւոր հանգամանք բոլոր մեծագործ դիւցաղներու ինչ և իցէ եղանակով։ Ո՛չ այն անկեղծութիւնը կըսեմ՝ որ կանուանէ զինքն անկեղծ։ ո՛չ բնաւ, ողորմելի բան մըն է այն ծանծաղ ու պարծուկ անկեղծութիւնն և կցորդ յաճախ յամառ ինքնասիրութեան։ Մեծ մարդուն անկեղծութիւնն այնպիսի մըն է, որու վրայ ինք չխօսի՛ր ըլլանաւ՝ անդիտակից ալ ըլլալով անոր. նա մանաւանդ՝ ինձի այնպէս կը թուի թէ ինքզինքն ոչ-անկեղծ կը համարի. և բնականն ալ աս է. զի մահկանացուներէն ո՞վ կըրնայ՝ գէթ օ՛ր մը միայն՝ գնալ ճիշդ ու ճիշդ ճըշմարտութեան օրինաց համաձայն։ Ո՛չ, այրն մեծ երբէք չհամարիլ իր անձն անկեղծ, այլ շատ հեռի անկեղծութենէ, ու թերեւ չկասկածի՛ր ալ իր վրայ թէ այնպէս է։ Ես աւելի՛ ալ առաջ երթալով՝ կըսեմ թէ իր անկեղծութիւնը մանաւանդ իր ձեռքը չէ՛, չի կըրնա՛ր անկեղծ ըլլալ։ Համագոյից ամէնավայր իրականութիւնն անոր առջև մե՛ծ է, ու՞ր ալ երթայ՝ չկըրնար ճողոալրիլ Ասին ահաւոր իրականութենէն։ Իր միտքն այսպէս շինուած է, և ասոր մէջ է ողջնաբար իր մեծութիւնն և առաջնութիւնը։ Համօրէն այս Տիեզերըն՝ ահարկու և սրանչելի՛ անոր աչքին, ստոյդկեանքի հանգոյն ստոյդ գարձնեալ մահու հանգոյն։ Կարելի՛ է բովանդակ մարդոց մոռնալ ճշմարտութիւնն և

գնալ սնոտի երևոյթներով, այլ իրեն ո՞չ երբէք. ամէն վայրկեան՝ բոցատիպ պատկերը կը նկատէ անոր մէջ այդ ճշմարտութիւնն անմեկին և անժխտելի. միշտ հօ՛ն է հոն: Կը փափագիմ որ միապէս ընդունիք մեծ մարդուն համար տուած սոյն սահմանս՝ իրը առաջին ու վերջին: Հասարակ մարդ մըն ալ կըրնայ ըլլալ այսպէս. Աստուծոյ ստեղծած ամէն մարդիկ կըրնա՞ն ըլլալ այսպէս, բայց մեծ մարդ մը՝ չկըրնար ըլլալ առանց ասոր:

Ու մենք այսպիսի մարդ մը կանուանենք բնամոյն (original), որ ուղղակի կը հասնի մեզի առաջին ձեռքէ, պատգամաւոր մէկն՝ աւետիքով մը զրկուած մեզի անծանօթ անսահմանութենէն: Կանուանենք զայն քերթող կամ մարդարէ և կամ սստուած, այս երեքէն ո՛րն ալ ըլլայ՝ իր խօսքերը կը դատենք միւս մարդոց խօսքերէն յոյժ տարբեր եղանակով, խօսք՝ որ կը բղիխն կշռակի բուն իսկ իրաց իսկութենէն: Նա կապրի և հարկ է անոր ապրիլ յաւէտ՝ հանապազորդ կցորդութեամբ ճշմարտութեան հետ: Աշխարհի աղմուկեները չե՛ն ծածկեր զայն երբէք անկէ. կրյր, անտուն, չուառական է նա՝ ըստ հասարակաց զրոյցին: Այլ ճշմարտութիւնն ինք պայծառ կը ճառագայթէ անոր մէջ. իր խօսք իրապէս «յայտնութիւնք» են, զի չունինք ուրիշ անուն մը անոնց տալու: Նա կուգայ մեզի ճիշտ աշխարհի սիրտէն՝ ըլլալով մասն իրաց նախնական ըստուգութեան: Աստուած շատ յայտնութիւններ ըրած է աշխարհի, բայց այս մարդն ալ իրը վերջինն ու նորագոյնն անոնց՝ ո՞չ ապաքէն Աստուծոյ ձեռքին ըստեղծուածն է. «Նա հասու կըլլայ ճշմարտութեան ներ-

շրնչումով Ամէնակարողին» և մեզի պարտ է ամէն բանէ առաջ միտ գնել անոր, անո՛ր:

Ապա՝ ողջմոռութիւն չէ ամեննեին նկատել մարդարէ Մահմէտը պարզմիտ տեսլագործ մը կամ փառասէր ու կամաւոր հնարագործ մը, անհնար է մեզի համարել զինքն: այսպիսի մէկը: Իր կատարած դժնդակ պաշտօնը ճշմարիտ բան մըն էր, շփոթ ու խանդավառ ձայն մը անծանօթ խորէն. ո՞չ իր խօսք և ո՞չ դործքն հոս երկիրի վրայ չէին բնաւ կեղծիք կամ ունայն ձևապաշտութիւն, այլ նոյն իսկ բնութեան խոր ալքէն կեանքի հրացայտ հատոր մըն էր նա՝ նրդեհելու համար աշխարհը, ինչպէս հրամայած էր Ստեղծողը: Մահմէտի ո՞չ վըրիպակներն ո՞չ թերութիւններն և ո՞չ կեղծիքն անգամ՝ եթէ հաստատագոյն ևս իսկ ապացուցուած ըլլային անոր վրայ՝ չէին կըրնար միստել այս դլխաւոր իրողութիւնն և պաշտօնն իր վրայ:


Եւ գարձեալ՝ շափէն աւելի կարեւորութիւն կուտանք սխալումներու, գեգերելով գործին մանրամասնեց մէջ՝ կը մոռնանք բուն իսկը: Սխալներուն ամենամեծը, կըրնանք ըոել, է անսխալ կարծելն ինքզինք. Ա. Գրոց հմուտներն ասոր առելի խելամուտ են: Դաւկիթ՝ Հըէից արքան՝ թաթաւեցաւ մեղքի ու ոճիրի մէջ՝ մեղք չմնաց որ չգործեր, և ասոր համար չէ՝ որ անհաւատները կառարկեն ծաղրելով թէ ա՞ս է ձեր անուանածն «այր ըստ սրտին Աստուծոյ»: Մաղրը, հա՛րկ է ըսել ինծի, չէ լուրջ բան մը. ի՞նչ են մեղք, ի՞նչ են մէկու մը կեանքին արտաքին արարք եթէ անտեսենք ներքին բանն ու խիզճը, փորձութիւնները, ճշմարիտ ու յաճախ ձախողեալ անվերջ մարտը. ուղղակի ճշմարտու-

թեան ճամբէն երթալ ճգնող մարդուն համար՝ մեղք չիկա՞յ, և մարդու մը համար ամէն դործէ վեր՝ աստուածային բան մը չէ՝ զդշումը։ Եղեռնագոյն մեղքը, ըստ իս, բնաւ չմեղանչելու կարծիքն է. ա՛ս իսկ է մահը, այնպէս կարծողին սիրտը կտրուած է անկեղծութենէ խոնարհութենէ և ստուգութենէ. դիմակ է նաև այնչափ ինչ անաղու՝ որչափ սևաթուրմ չոր հատն աւազի. Դասիթի կենցաղն ու պատմութիւնն՝ ինչպէս կը տեսնենք՝ իր իսկ Սաղմոսաց մէջ՝ կը նկատեմ իրը ճշմարտագոյն տիպար մարդու բարոյական պայքարին և զարդացմանն այս աշխարհի վրայ։ Ամէն բարենախանձ հոգի՝ պիտի տեսնէ անոր մէջ բարենախանձ հոգիի մը սրտեռանդն ճիղը դէպի բարին ու լաւագոյնը. Ճիգ՝ մը՝ յաճախ ետ մնացած իր նպատակէն և դժնէաբար դերեւած, որ կիյնայ իրը բովանդակ կործանումով մը, այլ դարձեալ կըսկի նորէն՝ անմերջ որտասուքով, միշտ զզնումնվ և անկեղծ աննկուն կամքով. հէք մարդկային բնութիւն։ Ո՞չ ապաքէն միշտ այսպէս է մարդու գնացքն աշխարհի վրայ, «յաջորդութիւն անկմանց». վասն զի անհնար է ապրիլ ուրիշ կերպով^(*)։ Կեանքի այս դժնէ առապարին մէջ՝ պիտի ճգնի նաև մղուի յառաջ՝ է զի վայրանկեալ ու արհամարհ և միշտ արտասուահեղ զզնաւոր՝ արիւն ի սիրտ պարտի յառնել նորէն և մղուիլ աւելի յառաջ. թէ այս պայքարն օրինական ու աննկուն եղած է՝ ա՛ս իսկ է ինդիրներու խնդիրը. ներող աչքով կը դատենք շատ մը

(*) Բայց միայն Ահերմոնի, Արարատի, Սիսայի, Զիթենեաց Բլուրին, ու թերեւս Աթոսի և նման Ս. լեռներու վրայ։ Թարգմանիչը.

տխուր մանր պարագաներ՝ եթէ այդ ճիգերուն ոգին ըլլայ անկեղծ ու ճշմարիտ, և մանր պարագաներն ինքնին չեն կը լինար տիրապէս յայտնել մեղի բուն իսկ բանը. ինծի այնպէս կը թուի թէ մենք շատ մեծ կը տեսնենք մարդարէ Մահմէտի սխալներն իրրե սխալ, բայց այս ճամբով չենք կը բնար թափանցել բնաւ իր բուն գաղտնեաց։ Մէկուսի թողով ուրեմն այս ամէնն և ապահով ըլլալով թէ ինք ստոյգ բան մը առաջադրած էր՝ պիտի փնտուենք բարեմտարար թէ ինչ էր այն բանը կամ ինչ կը բնար ըլլալ։

Արդարեւ նշանաւոր ժողովուրդ մըն են Արարները, որոնց մէջ ծնաւ մարդարէ Մահմէտ. իրենց երկիրն ալ նշանաւոր է՝ պատշաճագոյն վայր բնակութեան այսպիսի ցեղի մը։ Երկիր վայրի՝ անմատոյց ժայռոտ լեռներով ծածկուած. մեծամեծ ահընկէց անապատներ, տեղ տեղ գեղեցիկ դալարակղղիներով անջրաբետած, ուր բնականաբար ջրարրի տեղուանք կանաչագեղ յարգարած են գետինն՝ արմաւենիներով հոտաւէտ հալուէներու և կնդրուկներու տունկերով հովանացած։ Երեւակայեցէք այդ ընդարձակ ու անապատ հորիզոնն աւագէ՝ ամայից լոին աւազի ովկէանի մը նման, որ կը զատէ բնակելի երկիր մը ուրիշ բնակելի երկիրէ մը։ Հոն միայն է մարդ, միայնա կ լքուած տիեզերքի մէջ, ուր ցերեկը փաղաղիչ արեգակին անողոք ճառագայթներն ու գիշերն ամբաւ խորը երկնից՝ աստղերովն հանդերձ անընդհատ կը յաջորդեն իրարու։ Այսպիսի երկիրի մը բնակիչը ի բնէ թեթևաձեւն (swift-handed) ու գորովասիրտ ազգ մը կը լան. ասոր համար իսկ Արաբք ընդհանրապէս մի՛ր, գործունեա՛յ, խորհրդապէ՛ը



ու խանդակից ժողովուրդ մըն են. Պարսիկներն Արեւելքի ֆրանսացիք կը համարուին ու մենք արևելեան իտալացի կրրնանք յորջորջել Արաբները. Այս ազգն ի բնէ ազնուական է, օժտուած ազատական հզօր և վայրի զգացումներով. այսու հանդերձ ընդունակ երկաթի ողջախոհութեան, որ է նշան իրենց ազնուամտութեանն ու տաեղծագործ հանճարին. Վայրենակեաց Պէտուինը կասպնջականէ եկն իր վրանին մէջ՝ իր բոլոր ստացուածոցը վրայ իրաւաւնք ունեցող մէկը. Եթէ եկն ըլլայ իր ոփերիմ թշնամին իսկ՝ նա գարձեալ կը զենու իր հաւը զայն կերակրելու համար, կը հիւրախնամէ երեք օր սուրբ ասպնջականութեամբ, ողջամբ ճամբայ կը հանէ զայն կանոնաւորապէս, և ապա՝ ըստ ոչ նուազ սուրբ ուրիշ օրէնքի մը՝ կրսպանէ եթէ հնար ըլլայ. իրենց խօսք իրենց գործոցը նման են. Շատախօս մարդիկ չեն, մանաւանդ լռասէր իսկ են, բայց երբ խօսին՝ ճարտարաբան ու քաղյորախօս են. լուրջ և ճրշմարտասէր ազգ մը Յեղակից են Հրեաներուն՝ ինչպէս յայտնի է մեղի, բայց հրէական սոսկալի և մահատիպ լրջութիւնն ամոքախառնած են շնորհալի ու պայծառ յատկութեամբ մը, որ չէ հրէական. Մարդարէ Մահմէտէն առաջ՝ Արաբք ունեցած են բանաստեղծական հանդիսադրութիւններ. ըստ Սէյլի՝ հարաւային Արարիայի՝ Ոկադի՝ մէջ տարուէ տարի աեղի կունենային տօնավաճառներ, և առևտրական գործերէ ետք՝ քերթողը կերպէին հոն մրցանակով, և վայրի ժողովուրդը կը ժողվուէր չորս կողմերէն՝ լսելու համար այդ քերթողները:

Այս Արաբք ունին նաև հրէական յատկութիւն մը՝ արդիւնք բազմազան կամ համորէն բարձր յատկութեանց, որը կը նաև անուանել կրօնասիրական բընազդ. իրենց ծանօթութեանց համեմատ՝ հին ժամանակներէ հետէ, եղած են նախանձայոյզ կրօնասէրները. Մարէացւոց պէս՝ պաշտած են աստղերն ու շատ մը բնական առարկաներ՝ դաւանելով անոնք պատկեր ու անմիջական արտայայտութիւն բնութեան Արարիչին. Գէշ ու սխալ բան մըն էր այս ընթացք, այլ ոչ բոլորովին սխալ. Ամէն գործք Աստուծոյ՝ են դեռ ևս եղանակով մը պատկեր Աստուծոյ, և ցայսօր տակաւին անձնիւր բնական առարկաներու մէջ ո՞չ ապաքէն կը կարծենք նկատել «բանաստեղծական գեղեցկութիւններ», ինչպէս սովոր ենք կրչել: Քերթող է և կը պատուուի իր այնպիսինա՝ որ կը յարի այսպէս բնական իրաց կը ճառէ անոնց վրայ ու կերպէ անոնք տեսակ մը շատիսիկ պաշտամունքով: Արաբներն ալ ունեցած են շատ մարդարէներ, որ էին անձնիւր ցեղի ուրոյն վարժապետներ՝ ըստ իւրաքանչիւր գիտութեան, ու մենք այս գեղջուկ և խոհուն ժողովրդին ազնուամտութեանն ու բարեկրօնութեան վրայ ունինք՝ հին ժամանակներէ հետէ՝ ընտրագոյն և բացայայտագոյն ապացոյները. Ս. Դիրքի քննիչք միարան կը վկայեն՝ թէ մեր Յորի գիրիք գրուած է այս նահանգին մէջ, և ըստ իս մին է աշխարհի վեմագոյն գիրքերէն՝ ինչ տեսական խորհրդածութիւն ալ որ ըլլայ անոր վրայ: Եւ յիրաւի՝ մարդայնպէս կը կարծէ որ երայական յատուկ գիրք մը չէ ան, որուն դրոշմն է այնքան վսեմ՝ հանրականութիւնն մը՝ տարբեր յոյժ ազնուական տոհմասիրութենէ կամ

ինչ և իցէ ուրոյն վարդապետութենէ. սքանչելի՛ ու տիեզերական գիրք մը, որ մարդկութեան առաջին և հնագոյն կոթողն է՝ գրուած յաւիտենական առեղծուածին վրայ, այսինքն՝ մարդուն ճակատագիրին ու Աստուծոյ անոր հետ յարաբերութեանն երկիրիս վրայ, գրուած այնպէս յորդ ու ազատ բացատրութիւններով, վեհ այն համարձակութեամբ ու պարզութեամբ, իր դիւցազնական մեղեդիներով և անխուով հաշտութեամբն և անդորրախօսութեամբ. անոր մէջ են աչք բաշտես ու սիրտ գորովազգած. ճշմարիս ամէն ուրեք և ամէն բանի վրայ անվրէպ տեսութիւնք՝ նիւթականաց ինչպէս նաև հոգեորաց. Զիու վրայ խօսած ատեն «զգեցուցած» ես երբէք շանդով իր պարանոցը, — կամ «կը ցնծայ նա ի շարժել նիզակին». այսպիսի կենդանի նմանութիւնք երբէք գիրի առնուած չեն. վսե՛մ սըրտնութիւն, վսե՛մ հաշտութիւն, ամէնէն հին զրուցատրական մեղեդիներ՝ արձակուած իրը հանուր մարդկութեան-սիրտէն, աղու այնպէս և վեհ՝ ամարուան կէս գիշերի կամ ծովով ու աստղերով պատած աշխարհի նման։ Կարծեմ Ս. Գրոց մէջ կամ այլուր՝ չէ գրուած ուրիշ ինչ և հաւասար բան անոր՝ ըստ գրական արժեքի։

Կռապաշտ Արաբներու պաշտամունքի ամէնահին առարկան էր գլուխաւորապէս այն սե քարը, որ մինչեւ ցայսօր պահուած է ի Մէքքէ՝ Քեապէ կոչուած շէնքին մէջ։ Լուս հաւատարիմ պատմութեան Դիոդորի սիկիլացույ՝ իր դարին այս Քեապէ ըստածն էր հնագոյն և ամէնէն աւելի մեծարեալ տաճարը, այսինքն՝ մեր թուտկանէն իրրե կէս դար պուած եւ ըստ Սիլվեստր Սասփի՝ հաւանական է թէ այս սե քարն եղած ըլլայ

մէտէորական քար մը, որ ըսել է՝ թերես երկինքէն ինկած, և իր ինկած ատեն մէկէ մը տեսնուած էր։ Հիմայ Զէմզէմ աղբիւրին քովս է, որոյ երկուքին վրայ կառուցուած է Քեապէն։ Ամէն տեղ դուարճալի բան մըն է աղբիւրը՝ կենսապարգև բղիսած կորդ գետինէն, մանաւանդ այնպիսի չոր և անջրդի նահանգներու մէջ, ուր ջուրերն անհրաժեշտ պէտք են կեանքի։ Զէմզէմ աղբիւրին անունը՝ ջուրերուն գորչող զեմզէմ ձայնէն առնուած է, և Արաբները կը համարեն թէ այս աղբիւրին մօտ պատահեցաւ Ագար իր հսմայէլ որդին՝ վտարանդի անապատներուն մէջ։ Երկնաքարն ու աղբիւրը սրբազնեալ են հիմա, և հաղարներով տարի է։ որ Քեապէն շինուած է անոնց վրայ։ Նշանաւոր կառոյց մը՝ երեսուն եօթը կանգուն բարձրութիւն՝ ծածկուած սեաթոյր պաստառով, զոր Սուլթանը կը դրկէ ամէն տարի, կրկնակ սիւներու շրջափակով՝ գեղեցկակարգ կանթեղներով ու նրբագործ հին զարդերով. կանթեղները կը վառուին ամէն գիշեր աստղերուն լուսակցելու համար անշէջ՝ այսպէս աւանդուած ըլլալով հին զըրոյցներէ։ Հանուր Միւսլիմաններուն Քրպլէն է ան Տէլհիէն մինչև Մարոք անհամար աղօթկեարներ՝ օրն հինգ անգամ ակնկառոյց կը դառնան այն կողմն այսօր և յաւիտեան։ Մէկ խօսքով՝ Քեապէն է բնակեալ աշխարհի ամէնէն նշանաւոր կենդրոններէն մին։

Մէքքէ՝ որ հիմայ անկումի վիճակի մէջ է՝ հետք-հետէ զարդացաւ ու մեծ քարզաքի մը կերպարանքն առաւ՝ շնորհիւ այս սրբազն Քեապէ քարին և Աքարի աղբիւրին, ուր կը գիմեն արար ուխտաւորները. այսքաղաքը կառուցուած է ի բնէ անյարմար տեղ մը՝ ա-

ապօտտ կիրճի մը վրայ ապալեր ու անբեր բլուրներու մէջ ծովեղերքէն բաւական հեռաւորութեամբ. իր հանապազրդ պարէնն ու ցորենն անգամ դուրսէն կուդան: Բայց ուխտաւորներու յաճախութեան համեմատ օթեւան հարկ էր, ու ամէն ուխտավայրք՝ հին ժամանակներէ հետէ առեւտուրի տեղեր եղած են: Ուխտաւորներու հոն հասած օրէն՝ կը համին նաև վաճառականք, և հոն ուխտի պատճառով հաւաքուողներն առիթ կունենային նաև իրենց կարիքն հոգալու. ըստ այսմ՝ Մէքքէ եղաւ վաճառատեղի բոլոր Արարիայի, որով և գլխաւոր օժեան ու մթերանոց ամէնազդի վաճառքի՝ Հնդիկներուն, Արևելեան գաւառներու, Սուրբիայի, եգիպտոսի և մինչև իսկ Խոտալիայի: Ժամանակով ունէր իբր 100,000 բնակիչ՝ բազմութիւն գնողներու և վաճառողներու, արեւմտեան ու արեւելեան բերքեր. այդ վաճառականք կը բերէին հոն այլ և այլ արմտիք ու ցորեն՝ վաճառելու համար: Հոն կառավարութեան ձեն էր խառն տեսչութիւն մը՝ աղնուապետութենէ հասարակագետութենէ և աղօտ աստուածպետութենէ: Տամն հոգի՝ գլխաւոր ցեղէ մը նախնական եղանակով ընտրուած՝ Մէքքէի կառավարիչներն ու Քեապէի պահապաններն էին, և մարդարէ Մահմէտի ժամանակ՝ այս գլխաւոր ցեղն էր Քորէյշներու տոհմը, և ինքն ալ սերած էր այս աղջատոհմէն: Աղջին միւս անդամներն՝ իրարմէ բաժնուած և անապատներով կտրուած՝ կապրէին համանաման վայրի նահապետական կառավարիչներու ներքե, որ մէկ կամ աւելի կըլլային թիւով, հովիւներ, սայլավարներ, վաճառականներ՝ առ հասարակ յելուզակներ ևս, յաճախ իրարու հետ կամ ա-

մէնուն դէմ կռիւով, իրարու ոչ մէկ երեելի կապով մը կցորդ՝ բայց միայն Քեապէ հաւաքութելովը, ուր ամէն կարգի արաբ կռապաշտք կը խմբուէին հասարակային պաշտամամբ, որ և մանաւանդ միայն արենակցութեան ու համալեզուութեան Աերիին անքակտելի կապանքով միաբանած էին: Ասոր համար՝ արաբական այս ժողովուրդն՝ ի բնէ մեծամեծ ձիրքերով օժտուած՝ շատ դարեր ապրեցաւ այսպէս անծտնօթ միւս աղջերու՝ յանգէտս սպասելով այն օրուան, որ պիտի ծանօթացունէր անոնք համօրէն աշխարհի: Անօնց կռապաշտութիւնը՝ կը գտնուէր երերուն վիճակի մէջ և շատ բան իրենցը կը վարուէր խառն ի խուռն խմորումով մը: Աշխարհի վրայ ամէնազլիսաւոր գէպքի մը՝ Նրէաստանի մէջ աստուածային մարդուն երևումին ու մահուան վըրայ աղօտ լուրեր, որ և աշխարհի անօրինակ յեղափոխութեան նշանն ու պատճառն եղան՝ դարերու գընացքով մտած այցած էին նաև Արաբներուն մէջ՝ բընաբար հոն ալ յառաջ բերելով կարեոր յուզումներ մը:

Իրաց այս վիճակին մէջ՝ 370 ամին ծնաւ այրն մարդարէ Մահմէտ՝ արաբներու Քորէյշ ցեղէն ու Հաշմէմի տունէն. թէպէտ չունեւոր՝ ինք ունէր կցորդութիւն երկիրին գլխաւոր մեծերուն հետ: Գրեթէ ծնածատենը կորսընցուց իր հայրն և վեցամեայ հասակին իր մայրն ալ, որ գեղեցկութեամբն և առաքինութեամբ ու խելքով նշանաւոր էր. և ինք յանձնուեցաւ իր պապին խնամոցը, հարիւրամեայ բարի ծերունի մը, որուն սիրելի ու կրտսեր որդին էր Ապտուլահ՝ հայրն մարդարէ Մահմէտի: Այս իր պապը կը նկատէր Մահ-

մէտի վրայ՝ իր հինաւուրց աչքովը՝ վերկենցաղեալ կորսուած Ապտուլլահը, անոր միակ պատկերը, և կաթոգին սիրով սիրեց որբ մանկիկը. ու կըսէր յաճախ՝ թէ պարտ էր խնամարկել այս գեղեցիկ երախային, զոր ամէն ընտոծիններէն աւելի չքնաղ կը համարէր։ Պապին մեռնելուն ատեն տղան՝ տակաւին երկամեայ՝ յանձնուեցաւ խնամոյն իր աւագ հօրեղբօր՝ Ապու-Թալէպի, որ այն ատեն համարուեցաւ գլուխ ազգատոհմին, ու այս հօրեղբօր ձեռքով, որ՝ բոլոր զրուցաց խօսքին նայելով՝ արդար ու խելացի անձ մըն էր՝ մարդարէ Մահմէտ դաստիարակուեցաւ ամէնակիրթ արարի մը կրթութեամբ։

Երբ երախան զարդացաւ՝ կուղեկցէր իր հօրեղբօրն առետրական և ուրիշ նման ճանապարհորդութեանց. տասն և սւթ տարեկան հասակին եղաւ անոր մարտընկեր զինուորը, բայց իր ուղեւորութեանց մէջ թերեւ կարեւորագոյնն եղաւ ան՝ որ տեղի ունեցաւ քանի մը տարի առաջ Սուրբիայի տօնավաճառներուն մէջ. Եւ հոն՝ երիտասարդ Մահմէտ՝ առաջին անդամն ըլլալով՝ յարաբերութեան մէջ գտնուեցաւ բոլորովին օտար երկիրի մը և իրեն բոլորովին անծանօթ և անհուն կարեւորութիւն ունեցող գէպքի մը հետ, որ էր քրիստոնէական կրօնքը։ Զգիտեմ ի՞նչպէս հարկ է մեկնել Սարգիս անուն նեստորեան արեղայի մը՝ վէպը, որուն բնակակից եղան, կըսուի, մարդարէ Մահմէտ ու հօրեղբայրն Ապու-Թալէպ, կամ թէ ի՞նչպէս հնար կըլլայ արեղայի մը խորհրդատու ըլլալ այսպիսի ան-

տիական պատանիի^(*)։ Հաւանական է որ այս նեստութիկ կրօնաւորին պատմութիւնն յոյժ չափազանցուածըլլայ. մանուկն Մահմէտ՝ տասն և չորս տարու էր տակաւին ու տեղեակ էր միայն իր մայրենի արար լեզուին. այսպիսի երիտասարդի մը համար շատ բաներ անիմանալի, և օտար խառնափնդորութիւն մը պիտի ըլլային հոն Սուրբիայի մէջ։ Բայց ինք աշքը բաց արթուն տղայ մըն էր և լնդունակ՝ հոն շատ իրերու վրայ լրյս ստանալու, որ ցայն օր մթին առեղծուած մըն էին գեռ և որ օր մը կատարելապէս հասուննալով՝ մաս ունեցան իր հոգեխօսութեանց ու կրօնային վարդապետութեանց մէջ։ Սուրբիական այս ուղեւորութիւնները՝ նախաշաւիզն եղան մարդարէ Մահմէտի մեծագործութեանց։

Պէտք չէ՝ նաև անտես ընել այն պարագան՝ թէ մարդարէ Մահմէտ գպրոցական կանոնաւոր կրթութիւն մը չառաւ, բնաւ ամենելին, ոյն գպրոցական կրթութիւնէն, զոր մենք այսպէս կանուանենք։ Գրչութիւնը գեռ նոր մտած էր Արարիա, և ճշմարիտ կերպի այն կարծիքը թէ մարդարէ Մահմէտ բնաւ չէր գիտեր գրել (^(**))։ Ինչ որ տեսած ու լուծ էր անապա-

(*) Լստ աւանդութեան որ, զոր կը միշտ նաև Վարդան հայ պատմիչը (Հաւաք. պատմ. ԼԴ.) այս Սարգիս արեղական հայ նեստորական մըն էր, որ խ բնրդակից եղաւ մարդարէ Մահմէտի՝ իր կոնական յեղափոխութեան գործին մէջ։ Յոյներն յոյն կը համարեն այս արեղական։ Թարգմ.

(**) Ասոր հակառակ՝ Վաղարշ կըսէ թէ անշուշտ գիտուալու էր քանի որ առետրական բազմապահանջ և հաշուական գործերու մէջ էր (Տե՛ս իր Ձերնարկն ոգւոյ եւ բարուց ազգաց վրայ)։ Թարգմ.

տի մէջ ապրելովն՝ ա՞ն էր իր բովանդակ կրթութիւնը՝ իր նսեմ բնակութենէն՝ որչափ իր խոկ աչքովն ու մը տածութեամբ կըրնար խելամտել անբաւ տիեզերքի վըրայօք՝ այնչափ և ոչ աւելի բան հնար էր գիտնալ անոր. հետաքրքրական է նաև անոր ամեննին գիրք մը չունենալը։ Արարիայի անծանօթ անապատին մէջ անձամբ տեսածներէն կամ աղօտ համբաւէ լսածներէն զատ՝ չէր կըրնար գիտնալ ուրիշ ոչինչ։ Իրմէն առաջ կամ իրմէ քիչ մը հեռու եղած աշխարհիս իմաստութիւնը՝ կերպով մը անդոյ և անհաս էր իրեն համար։ Նատ մը երկիրներու և ժամանակներու լուսաւորիչ՝ այն մեծ աշխարհաջան հոգիներէն և ոչ մին ուղղակի չէր հաղորդակցեր այս մեծ հոգիին հետ. նա մենիկ առանձին էր հոն՝ ամայիներու անծանօթ խորերը մինչեւ որ զարդացաւ ու չափահաս եղաւ՝ բնութեան և իր տեսիլներուն հետ մենակից։

Սակայն՝ տղայ հասակէն ճանչցուեցաւ նա իրը խորուն մտացի անձ մը. իր ընկերները կանուանէին զինքը «Էլ Էմին»՝ հաւատարիմը. այր ճշմարիտ ու հաւատարիմ. ճշմարիտ իր գործերուն իր խօսքերուն և խորհուրդներուն մէջ։

Անոնք կաւանդեն թէ նա կը խոկար միշտ բանի մը վրայ և քիչ կուզէր խօսի՝ ըլլալով անխօս ու լուասէր մարդ մը՝ ուր որ չկար խօսելու բան. բայց արդարադատ խօստուն անկեղծ՝ երբ խօսէր, և նիւթին վըրայ յաւէտ լըյս սփռելով, որ լաւագոյն եղանակն է խօսելու. իր բովանդակ կենսավարութեան մէջ՝ համարուեցաւ հաստատամիտ մարդասէր ու հանճարեղ՝ բարքովն անկեղծ և լուրջ՝ բարեհամբոյր, ընկերասէր,

մտերիմ ու տեղ տեղ զուարճաբան, վասնզի նաև բարեծիծալ էր. կան մարդիկ՝ որոց միւս կերպարանաց նըման ծիծալ անդամ կեղծ է, որ չեն կըրնար ծիծաղիլ ճշմարտապէս։ Կըսուի նաև թէ Մահմէտ գեղեցիկ էր՝ նրբագէմ զգօներես, թուխ ծաղկավիթիթ խառնուածով. շողջողուն սե ականողիներով, և սիրելի ինծի իր այն երակը ճակտին, որ կուռէր մթադոյն՝ երբ բարկանար՝ Սկոդի րեդկոնդլեդին մէջ մահկաձև երակին նման. Հաշէմ աղգատոհմին տեսակ մը գիմանշանն (*) էր ան, զոր Մահմէտ ալ ունէր յայտնապէս՝ այն նետուող արդար և ուղղամիտ մարդը, զեղուն թաթաղուն վայրի կարողութեամբ, հուրով և լոյսով պատարուն և անհրահանդ ձիրքերով, ինքնանուէր իր բուն գործին հոն անապատին խորերը։

Ի՞նչպէս մտաւ իրրե մատակարար Քատիշէյի քով՝ որ փարթամ այրի մըն էր, և անոր գործառնութեանցընհըն համար ճանապարհորդեց Սուրիայի վաճառանոցները, և ի՞նչպէս ամէն բանի մէջ ցուցուց հաւատարիմ գործունէութիւն և ճարպիկութիւն՝ գրաւելով հետք-հետէ այն տիկնոջ յարգանքն ու երախտագիտութիւնքը. իրենց ամուսնութիւնն իսկ՝ ըստ արար հեղինակաց՝ խանդաղատելի ու բնական է։ Ինք քոան և հինգ տարեկան և տիկինը քառասուն տարեկան էր, թէպէտ գեռ ևս գեղեցիկ. և թուի իրարու հետ շատ սիրով կենակցեցան, իրար և միայն իրար սիրեցին. նկատելով իր անստղիւտ վարքը, իր ամէնախաղաղ կենցաղը՝ սուկական մէկուն պէս՝ մինչեւ որ տարիները զրաւեցին իր

(*) Արդի նշանաւոր հայ գրագէտ-բանաստեղծ մըն ալ ունի այս նշանը։

առուղութեան եռանդն՝ անհնար է մեզի համարել զինքը սովորական մարդ մը՝ Քառասունն անցած էր երբ յայտնեց իր երկնային պաշտօնը. և իր բոլոր արտուղութիւնք՝ ստոյգ կամ անստոյգ սկսան յիսունէն ետք, երբ բարին Քատիչայ ա'լ չիկար: Մինչեւ այն ատեն՝ իր բովանդակ «փառասիրութիւնն» եղած էր ապարիլ համեստութեամբ. իր «բարի համբաւը» դրացինեւ ըուն մէջ՝ սփոռուած էր ըստ բաւականին, տակաւին կատարելութեան չհասած՝ երբ կեանքի ջերմ մարմաջը կը նուազէր անոր ներսը. և աշխարհի մէջ իր խնդրաժմիակ բանը խաղաղութիւն ըլլալով՝ կը ընա՞ր նետու. իլ փառասիրութեան ասպարէզը, ու առ ոտն կոխելով իր անցեալ վարքն ու կենցաղը՝ վարիլ իրբեւ վատթար արտակենդրոն եւ զրահետ մարդ մը ձեռք ձգելու համար բան մը, որ ա'յլ ես չէր կը ընար վայելէլ: Ինձի համար անհնար է հաւատալ ասոր:

Ո՞չ ոչ. անապատներու այս խորասիրու զաւակն՝ իր չողութուն սկ աչքերովն ու բաց մարդասէր հոգւովը՝ փառասիրութենէ տարբեր խորհուրդներով՝ կը վարէր: Նա կը կրէր իր ներսը լոխն ու վեհ հոգի մը. և այն կարգի մարդոցմէն էր՝ որ բարեմիտ և լուրջ միայն կը ընալ, զոր ինք բնութիւնն հաստած է ի ծնէ անկեղծ ըլլալու, մինչ ուրիշներն արտաքնայարդար ձեւերով ու կարծիքով կերթան՝ անոնցմով դոհ և հաճ. այս մարդ չէր կը ընար ամփոփիլ այդպիսի հասարակ ձեւապաշտութեանց մէջ՝ ըլլալով միայնակ իր հոգիին ու իրերու իսկութեան հանդէպ. ինչպէս առաջ ըսի՝ դոյլութեան ամէնախորին խորհուրդը կը թափանցէր անոր ներսիդին՝ իր արհաւիրներով ու շքեղութիւններով. և

ո՛չ հասարակաց կարծիք կամ զրոյցք կրբնային ծածկել անկէ սա անթարդմաների ստուգութիւնը թէ Աւասիկ կամ»: Այսպիսի անկեղծութիւնն մը, ինչպէս անուանեցինք զայն, տիրապէս ունի իր մէջ աստուածային մաս մը. և այսօրինակ մարդու մը խօսքը՝ ձայն մըն է բղիսած ուղղակի բնութեան սիրտէն, և մարդիկ պարտին անսալ յաւիտեան անոր քան ուրիշ բանի, զի ուրիշ ամէն բան անոր քով հովի պէս է: Խոր մանկութենէն՝ իր ուխտագնացութեանց ու աստանդական ուղևորութեանց մէջ՝ այս մարդն ամէն ատեն ունեցած էր հազարաւոր մտածութիւններ. — Ի՞նչ եմ ես, ի՞նչ է այն անպարագրեկի բանը, որուն մէջ կապրիմ, զոր տիեզերք կանուանեն: Ի՞նչ է կեանքը, ի՞նչ մահը, ի՞նչի պէտք է հաւատամ ու ի՞նչ պէտք է դործեմ: ո՛չ Հարա ու Սինա լեռներու ահրելի ափափաններն և ո՛չ ամայիններուն դժպէի աւազուտները չէին պատասխաներ ասոնց. լայնատարր երկինք՝ իր շուրջն անմուռնչ դառնալով կապուտանչող աստղերովն՝ ոչինչ կը պատասխանէին իրեն: Այս հարցումներուն պատասխան չիկար բայց միայն մարդուն ի'ը իսկ հոգիին, ուր է դարին աստուածային ամէն ներչնչումներուն:

Ասոնք այնպիսի խնդիրներ են, զոր ամէն մարդպիտի յուղէ իր ներսն՝ ինչպէս մենք ալ պիտի յուղենք ու պատասխանենք. այս անապատի մարդարէն ալ ըլլաց անոնց անհուն կարեւորութիւնը, որոյ համեմատութեամբ միւս ամէն բաներն անկարեւոր էին բոլորովին: Ոչ յունական հերձուածներու վիճաբանական կործային ոչ Հրէից անստոյգ աւանդութեանց և ոչ արար կռապաշտութեան անմիտ սովորութեանց մէջ՝ չի-

կար անոնց պատասխան։ Միւսանդամ մըն ալ կըսեմ՝
թէ այս բանը գլխաւորապէս սեպհական է Դիւցազնին
(իբր առաջին ու վերջին կնկք, իբր Ալֆա և Օմեղա իր
բովանդակ դիւցազնութեանն) իրաց երեւոյթներու
խորը նկատել բուն իսկ իրերը։ Սովորութիւնք ու
պատշաճութիւնք, յարգի զրոյցը, կարծիք ու ձեւ-
ապաշտութիւնք՝ ըստ ինքեան բարի են կամ չեն
այնպէս, այլ այս ամէնուն ետեւ այս ամէնէն վեր բա՛ն
մը կայ, որոյ հետ պարտին համաձայնիլ այս ամէնն՝
ըլլալու համար անոր պատկերն ինչպէս որ ե՛ն ալ
ապա թէ ոչ՝ անոնք լոկ կուապաշտորիւններ են սե
փայտի հասորներ աստուած կարծուած՝ լուրջ և նա-
խանձաւոր հոգւոց համար ծաղրի ու գարշանքի առար-
կաներ։ Մարգարէ Մահմէտի համար բնա՛ւ արժէք մը
չունէին ոսկեզօծեալ թերափիք, որոնց պաշտօնեաներն
էին Քորէյշ ընտանեաց մէկ բանի գլխաւորները, և թէ-
պէտ բոլոր մարդիկ երկիւզածութեամբ կը պաշտօնա-
սիրէին անոնց՝ ինք ոչ մէկ բարիք կը տեմներ անոնց
մէջ. մե՛ծ ճշմարտութիւնն հոն ալ յանդիման կըլլար
անոր, կանդ մը առնել տալով անոր. և իրեն պէտք
էր համակերպիլ անոր կամ կորսուիլ անարդաբար՝ նո՛յն
ժամուն և յաւէտ նո՛յն ժամուն կամ բնաւ երբէք առ
յաւիտեան։ Համակերպիլ անոր, և պարտ էր համա-
կերպիլ ի՞նչ և է բանով մը — փառափիրութեա՞մբ
ըսենք. և ի՞նչ կըրնային ընել այս մարդուն բովանդակ
Արարիա, յունականն Հերակլի կամ պարսիկ Խոսրովի
և կամ բոլոր աշխարհի իշխանութեանց թագերովը-
նա պէտք չունէր երկրային ձայներու, այլ վերէն եր-
կինքէն և վարէն դժոխքէն. բոլոր թագաւորներու և

իշխանութեանց վախճանն ո՛ւր պիտի երթար կարճ
ժամանակի մը մէջ. ըլլալ նէյիս Մէքքէի կամ Արարիայի
և կրել ձեռքին մէջ՝ փայտէ ոսկեզօծ մական մը՝ աս
չէր բնաւ իր փրկութիւնը, ճշմարտապէս կըսեմ՝ աս
չէ՛ր։ Հարկ է մեզի նաև թողուլ իր վրայօք հնարագործի
կարծիքն՝ իբրև շատ անհաւանական և արժանի իսկ
բոլորովին վտարելու մենէ։

Արդ՝ սովորութիւն ըրած էր մարդարէ Մահմէտ՝
տարին միանգամ առանձնանալ Բամազան ամսուն մէջ
լուս մենութեամբ, ըստ արաբական օրէնքի, որ գովելի
սովորութիւն մըն էր. և մարդարէ Մահմէտի պէս
մարդու մը համար՝ ամէն բանէ վեր բնական ու բարի։
Հոն՝ լեռներու լուսութեան մէջ ներանձնանալ իր սիր-
տին հետ անբարբառ և ոնկնդիր «քաղցրանոյշ ներ-
քին շունջներու»՝ շատ բնական սովորութիւն մըն էր։
Քառասուն տարեկան էր այն ատեն՝ երբ Մէքքէի մօտ
Հարայ լեռն այրի մը մէջ՝ վարեցաւ վտարանդի՝ հոն
անցունելու համար Բամազան ամիսն աղօթքով ու խո-
կալով յիշեալ մեծ խնդիրներուն վրայ։ Քատիշայ ող
իր հետ կամ իր մօտն էր նոյն տարին՝ իր ընդուննե-
րուն հետ. և օր մը ինք մարդարէ Մահմէտ յանկարծ
ըստ անոր՝ թէ՝ երկնից անհաս ու յատուկ օրհնու-
թեամբն՝ իր մտածութիւնք լուսաւորուած էին բոլորո-
վին այս խորհուրդներուն վրայ և ինք ոչ ևս երկրայու-
թեան ու խաւարի մէջ էր, այլ կը տեսնէր ակն յայտ-
նի՝ թէ այն ամէն թերափիք ու արարողութիւնք՝ չքոտի
բաներ էին, ողորմելի փայտի կտորներ. թէ մի՛ միակ
Աստուած մը կար ամէն բանի մէջ և ամէն բանի վրայ,
և հարկ էր թողուլ կուռքերու պաշտօնն և միայն իրեն

ակն ունել. թէ մեծ է Աստուած և իրմէ մեծ բան չիկայ: Նա ինքն է ճշմարտութիւնն իրական, փայտեղէն կուռք չե՞ն չե՞ն ճշմարիտ. ինք սկիզբէն ստեղծեց մեղ և կը պահէ մինչև հիմայ: Մարդիկ ու միւս բոլոր արարածներն անոր ստուերներն են միայն՝ անցաւոր հանդերձանքներ, որով կը գողղի փառքն Յաւիտենից. «Այս է իպէր», Աստուած մեծ է, և ապա իսլամ՝ այն է հնազանդութիւն Աստուծոյ: Եւ պարտինք բոլոր մեր զօրութեամբն ինքնանուէր հպատակիլ անոր՝ ինչ որ ալ ընէ մեզի հոսեւ հանդերձեալին մէջ. իր Նախախնամութիւնն ինչ որ ալ կը զրկէ մեզի՝ եթէ մահն խկ ըլլայ ան և մահէն ալ գէշ բան մը՝ պէտք է որ բարի ու բարիէն աւելի լաւ բան մը ըլլայ ան. պէտք է բոլորովին Աստուծոյ տանք ինքինքնիս: «Եթէ այս է իսլամութիւնը, կըսէ Կէօթէ, ոչ ապաքէն ամէնքս ալ իսլամաբար կապրինք»: Այո՛, ամէն մարդ որ կապրի բարոյական կեանք մը, այսպէ՛ս կապրի:

Ամէնաքարձր իմաստութիւն համարուած է միշտ՝ մարդոց մէջ՝ ոչ միայն հպատակիլ հարկին — և հարկն ինք կը հպատակեցունէ մարդը — այլ ճանչնալ ու խորապէս հաւատաւ թէ հարկին հրամայած դժնդակներն են իմաստնագոյնք լաւագոյնք ու կարեւորագոյնք. իր բուռ մը խելքովն չաստիչին այս մեծ տիեզերքը կը շուադատելու խիզախ յոխորտանքը զսպել, դիտնալ թէ աշխարհ ստուգապէս ունի իր ճշգրիտ օրէնք՝ թէպէտ խորապէս անհաս մարդկային ըմբունումներու. թէ այս օրէնքին ոգին բարի է, ու երկիրի վրայ մարդու բամինն է հպատակիլ օրինաց բովանդակին և բոլորա-

նուէր լոռութեամբ հետեւիլ անոր՝ անդիմադարձ ու իբր անդիմադրելեաց հնազանդելով անոնց (*):

Եւ ապաքէն՝ ա՛ս խկ ալ է ճշմարիտ բարոյականն յայտնեալ. մարդ ճիշդ այն ժամանակ արդար եւ աննկուն կըլլայ, առաջինի եւ սոյզ յառաջակարութեան ճամբուն մէջ՝ երբ ընթացակցի ու համակերպի իսր ու հաստակիմն օրէնքին անտես ընեղով ամէն բարևատար օրէնք, անցաւոր պաշանութիւններ, շահ ու զենի հաշիւններ: Նա՝ մեծ ու անշարժ կենդրուական այդ օրէնքին գործակցելու ամէնն միայն յաղրական է, եւ ոչ ուրիշ կերպով, եւ այն ժամանակ միայն անոր գործակցելու բարերադուրինն սուզապէս կունենայ՝ համընթաց ըլլարով անոր՝ երբ բովանդակ հոգիովը կիմանայ թէ այդ օրէնք սուզի կան, ու ե՛ն բարի եւ միայն բարի (**): Ա՛ս է իսլամութեան ոգին, որ տիրապէս քրիստոնէութեան ալ ոգին է: Զի իսլամութիւնը քրիստոնէութեան խառն մէկ ձևն է. եթէ քրիստոնէութիւնն եղած չըլլար՝ իսլամութիւնն ալ չպիտի ծնէր: Քրիստոնէութիւնն ալ կը պատուիրէ մեզի՝ ամէն բանէ առաջ՝ բոլորանուիրութիւն առ Աստուած, չըլլա՛լ բնաւ խորհրդակից

(*) Նոյնը կը խորհրդածէ նաև Մարկոս Աւրելիոս՝ իր խոկումներուն մէջ՝ տես մանաւանդ ի. Թէնի Մարկոս Աւրելիոսը՝ Թարգմ.

(**) Օրինագրութեան և գիտութեան անունով միայն պարծող յաւակնող կարգ մը անձնաւորութեանց համար շատ խորին, այլ հաւատաքի մարդոց համար շատ պարզ այս խորհրդածութիւնները՝ պէտք է միշտ հոգիին աչքին առջևն ունենան անոնք՝ որ ազգեր, ընկերութիւններ, ընտանիքներ ու կրթութիւններ վարել կոչուած են:

մարմնեղինաց, չանսալ նանիր ճարտարխօսութեանց, չտրամիլ ընդունայն և հեռի բլատ բաղձերէ (գէշ փափակ). գիտնալ թէ բան մը չե՞նք գլխեր, զի մեր աշ-քին չար ու դժվահի երեւցած բաները՝ չեն իրօրէն այնպէս, և ամէն ոք պարտի ընդունիլ՝ իրը երկինքէն Աստուծմէ զրկուած՝ ինչ որ կը վիճակի իրեն և գոչել թէ բարի՛ և իմաստուն է աս. Աստուած մե՛ծ է: «թէ և մեռցունելու իսկ ըլլայ զիս՝ դարձեալ Անո՛ր կապաւինիմ»: Գործնական իսլամութիւնն ալ տիրա-պէս ուրացութիւն և չքացումն է անձին, որ եւ այս վսեմագոյն իմաստութիւնն է՝ երկինքէն յայտնուած-այս մեր երկիրին: Բոտ պարագայիցն՝ ահա այսպիսի ըսյս մը եկաւ լուսաւորել անապատի արար այս հոգ-ւոյն մռայլը: Խառն եւ շլացուցիչ պայծառութիւն մը՝ կեանքի ու երկնից փայլումին նման այն մեծ մժու-թեանց մէջ, որ կըսպառնային քիչ մը ևս ետքը՝ մա-հահրաւէր ըլլալ. մարդարէ Մահմէտ անուանեց այս ըսյն՝ յայտնուրին եւ Գարդիէլ հրեշտակ, և ո՞վ մե-նէ կըրնայ հիմայ ալ գիտնալ թէ ի՞նչ անուն տալ պէտք է անոր. ներշնչումն է ան ամենակարողին, որ կուտայ մեղի իմացութիւն: Եւ զիտնալի՛ այսինքն իրե-րու ճշմարտութեան թափանցապէս խելամուտ ըլլալն՝ յաւէտ խորհրդաւոր գործ մըն է, որոյ մակերեսին վը-րայ շաղակրատե՛լ միայն կըրնայ լաւագոյն տրամա-բանութիւնն անդամ: «ո՞չ ապաքէն հաւատքն ալ, կը-սէ նովալիս, ճշմարիտ հրաշք մըն է ասաուածայայտ-նիչ»: Եատ ընական էր որ մարդարէ Մահմէտի բովան-դակ հոգին՝ վառուած այս վսեմ ճշմարտութեան իրեն հնորհած բոցով՝ պէտք էր զգալ թէ կարևոր են հա-

ւատք և միայն հաւա՛տք կարեոր: Թէ նախախնամու-թիւնը պատուած էր զինքն անասելի խնամքով՝ յայտ-նելով զայն իրեն փրկելով զինք խաւարէ ու մահուանէ. թէ ինք այնուհետեւ սահմանուած էր քարոզել զայն բոլոր մարդոց, և զա՛յս իսկ կը նշանակէ ըսելր՝ թէ «Մահմէտ Աստուծոյ մարդարէն է», այս խօսք ունի իր իմաստն ստոյգ: Կըրնանք երեւակայել թէ որպիսի զարմանքով ու երկրայութեամբ ունկնդրեց իրեն բա-րելան Քատիշայ, ու վերջապէս պատասխանեց. Այո՛, ճշմարիս է ըսածդ: Տեսնելու էր հոն մարդարէ Մահ-մէտի անբաւ շնորհակալութիւնը, իրեն շնորհուած բո-լոր բարերարութիւններէն մեծադոյնը կը համարէր՝ իր յայնժամու հոգետագնապ ջերմեռանդն խօսքերուն իր տիկնոջ ընծայած հաւատտքը. իրը ասոր համար՝ կըսէ նովալիս թէ «ստուգիւ անհունապէս կամւապնդուիմ ինչ և իցէ համոզումիս վրայ՝ երբ ուրիշ մը հաւատայ անոր»: և արդարէ՝ այսպիսի համոզակցութիւն մը անսահման յաջողուած մըն է: — ինք մարդարէ Մահ-մէտ երբէք միտքէն չհանեց այս բարի կնոջ լիշտակը: Շա՛տ ետքն՝ երբ իր սիրական երիտասարդուհի ամու-սինն Այէշա՝ կին առաքինացած Միւսիմանութեան մէջ ամէն տեսակ բարեմանութիւններով՝ հարցուց իրեն օր մը՝ թէ Քատիշայէն լաւագոյն չե՞մ, որ այրի ու պառաւ էր՝ զրկուած երբեմի գեղեցկութենէն. չե՞ս սիրեր զիս անկէ աւելի՛ — կերդնում յանուն Աստուծոյ թէ ո՛չ, պատասխանեց մարդարէ Մահմէտ. ո՛չ, նա՛ նախ հաւատաց ինծի՝ երբ տակաւին ոչ ոք հաւատալ կուզեր. բովանդակ աշխարհի մէջ մի՛ միակ բարեկամ

ունէի՝ որ ինքն իսկ էր (*) — եր գերին Սէյիտ ալ հաւատաց իրեն, և այս Սէյիտ մարդարէ Մահմէտի եղբօր Ապու — Դալէպի որդիին, երիտասարդն Ալիի հետ, եր նախկին հաւատացողն էր՝ Քատիշայէն ետք:

Իր վարդապետութիւնը քարոզեց նախ կարդ մը մարդոց, որոցմէ շատեր՝ սակայն՝ կը ծաղրէին զինքն արհամարհանքով. Երեք տարուոյ մէջ՝ կարծեմ՝ հազիւ տասներեք հետեւող ունեցաւ, այնքան յամրընթաց էր իր յաջողութիւնը. և այսպիսի պարագայի մը՝ այսպիսի մարդու մը ձեռնարկութիւնն ոչ ըստ արժանույն աննշան խրախոյսներով կը քաջալերուէր. Երեք տարիի մը չափ աշխատելով՝ ձեռք բերած էր շատ քիչ յաջողութիւն. վերջապէս՝ խնջոյքի մը համախմբելով իր գլուխոր ազգականներէն քառասուն հոգի՝ յայտնեց անոնց յոտնկայս իր խորհուրդը, և ըստ թէ պիտի քարոզեմ զայս ամէն մարդոց՝ իբր իմ վաեմագոյն միակ գործս. ձեղմէ ո՞վ պիտի օգնէ ինձի այս բանին մէջ. մինչ ամէն ժողովեալը համակուած էին տարտամ լըռութեամբ՝ երիտասարդն Ալի, պատանի գեռ տասնեւ վեցամեայ, խօսելու անհամբեր, անմիջապէս ոտք ելաւ ու գոչեց յանձնապաստան ամենի խանդով մը, «Ե՞ս խօսք կուտամ գործակցիլ քեզի՛»: Անկարելի էր որ մարդարէ Մահմէտի հակակիր ըլլար տյս գումարումը, որուն մէջ էր նաև Ապու — Դալէպ՝ Ալիի հայրը. բայց հոն ամէնուն ծաղրելի երեւցաւ՝ անգրագէտ տարուօքի մը և մանկահասակ պատանիի մը այս ընթացքը,

(*) Խանդաղատելի՛ օրինակ բնական միակին սիրոյ, որ և ապացոյց է թէ ինք իսլամ մարդարէն ալ բազմակութեան թարգմ:

որ կը հետեւէին այսպիսի ձեռնարկի մը հանուր մարդոց դէմ. ու երախանը լուծուեցաւ ծիծաղալից, Բայց ետքը գործին ընթացքը ցոյց տուաւ թէ հեռի էր ան ծիծաղելի ըլլալէ, և ընդհակառակը՝ շատ լուրջ բան մըն էր: Այս Ալի պատանին՝ համակրելի տղայ մըն էր, աղնուահոգի արարած մը՝ իի սիրով ու բոցեղէն իրահամարձակութեամբ, ինչպէս յայտնի եղաւ հոն և ապա ընդ միշտ: Ասպետական բան մը կար անոր վրայ. քաջ՝ առիւծի պէս և քրիստոնեայ շահատակներու արժանի շնորհով ճշմարտութեամբ և զգացումով լցուած: Պաղտատի մզկիթին մէջ սրախողխող սպանեցին զայն, ու իր մահուան պատճառ իր վեհանձն օրինաւորութիւնն եղաւ՝ վստահ ուրիշներուն օրինաւորութեան վրայ. նա գեռ ևս վիրաւոր՝ գոչեց, եթէ վերքս մահառիթ չէ՝ պէտք է թողութիւն շնորհել վիրաւորողին. թէ ոչ՝ առժամայն սպանեցէ՛ք զինքն ալ, որպէսզի երկուքս միանդամյն Աստուծոյ ատենին դիմաց ցուցընենք՝ թէ որուն էր իրաւունքը:

Բնական էր՝ որ մարդարէն Մահմէտ գէշ երեւ Քորէյշներու աչքին, որ Քեապէի պահապաններ և կուօքերու վերատեսուչներ էին: Քանի մը ազդեցիկ անձեր միաբանած էին իրեն, և թէպէտ իր գործն յամրաբար կը յառաջգիմէր, բայց կը յառաջգիմէր. որով շատերուն թշնամութիւնը գրդուեցաւ, և կը սէին, ո՞վ է աս՝ որ հպարտութեամբ ամէնէն խելացին կը համարի ինքզինքը, և կը յանդիմանէ մեզ ամէնս իբր յիմար և պաշտող փայտերու: Ապու — Դալէպ՝ իր բարի հօրեղբայրը կըսէր իրեն՝ թէ «չէ՛ր կընար լոել այդպիսի իրաց վրայ, ինք միայն հաւատալով իր

գիսցածին, չխանգարել ուրիշները, և չդրգուել մեծերուն զայրոյթն՝ իր ու իրեններուն վտանգաւոր բաներ խօսելով։ բայց մարգարէն Մահմէտ պատասխանեց մեծ հաստատութեամբ մը՝ —եթէ նոյն խկարեգակն աջ կողմն կենալով և լուսինը ձախ կողմն՝ հրաման տան ինծի լուռ և հանգարտ կենալ, չպիտի կը ընամ անսալ ամենեին. գտած ու քարոզած ճշմարտութեանս մէջ կայ բան մը, որ նոյն ինքն բնութենէն թելադրուած է և համազօր արեգակին կամ լուսինին կամ ի՞նչ և իցէ ուրիշ արարածի։ Եւ այն պիտի խօսի յաւետ ցորչափ թոյլ տայ Ամէնակարողն՝ հակառակ արեգակին և լուսինին և բոլոր Քորէյշներու, հակառակ ամէն մարդոց և իրաց։ Այդ բանը պէտք էր որ այդպէս դործէր և ուրիշ կերպ չէր կը ընար գործել. ու այս եղաւ մարգարէ Մահմէտի պատասխանը, ու սկսաւ «արտասուել», ինչ պէս կը գրեն պատմիշները։ Արտասուեց, այո՛, զի ըլդ գաց որ Ապու-Դալէպ կը խօսէր ընտանի գորովով։ և իր ձեռնարկելի դործը դիւրին բան մը չէր, այլ ծանր ու շատ մեծ դործ մը։

Եւ սկսաւ դարձեալ քարոզել անոնց՝ որ կը փափագէին ունիսդրել իրեն, հրատարակելով իր վարդապետութիւնը Մէքքէէ եկող ուխտաւորներուն մէջ, ու այսպէս կը շահէր կուսակիցներ հօս հօն. անվերջ հակառակութիւն, ատելութիւն, յայտնի կամ դաղտնի դարսներ շարունակ անբաժան էին իր ձեռնարկութիւններէն։ Եւ թէպէտ իր հզօր ազգականները կը պաշտպանէին իրեն, այլ՝ ըստ իր խոկ խրատուն՝ քիչ ատենէն իր բոլոր կուսակիցներն ստիպուեցան՝ թողլով Մէքքէ քաղաքն՝ ապաստանիլ ծովուն միւս կողմն. Ա-

պիսինիա. այն ատեն Քորէյշք աւելի գրգռուելով՝ դաւադրութիւններ կազմեցին ու երդում ըրին իրենց մէջ վերջ տալ մարգարէ Մահմէտի կեանքին իրենց խոկ ձեռքով։ Ապու-Դալէպ մեռած էր, Քատիշայ ալ մեռած էր։ Եւ մարգարէ Մահմէտ՝ արդէն ոչ այնչափ արժանացած համակրոթեան այն ատեն իր տխուր վիճակովն և յեղամտութեամբն աւելի ևս յոռի երեցաւ. ստիպուեցաւ դողիլ անձաւներու մէջ և ծպտած խուսափի՝ թափառելով աստանդական անկեաց ու յաճախ մահուան վտանգի մէջ։ Քանի՛ անդամ մահն ըսպանացաւ անոր մօտէն և քանի՛ անգամ ինք ու իր վարդապետութիւնն ալ մաղկոինչ ազատեցան՝ յարդի շիզի մը կամ խրաչող երիվարի մը պէս, և թերեւս ալ բնաւ չխօսուէր այնուհետեւ իր վրայ։ Բայց բանն այսպէս չպիտի վերջանար հակառագրօրէն։

Իր առաքելութեան տասներեքերորդ տարին՝ մարգարէ Մահմէտ տեսնելով որ իր բոլոր թշնամիները դաշամբ համախմբուած էին իրեն գէմ, և քառասուն ցեղերէն քառասուն երդուեալ մարդիկ դարանամուտ ըսալով իր կեանքին՝ այլ ևս անհնար էր իրեն բնակիլ Մէքքէի մէջ, փախաւ եադրէպ ըսուած տեղը, ուր առաջուրնէ մէկ քանի համախոհներ ունէր. այս վայրն է որ այժմ այս պատճառով Մէտինէ կամ Մէտինէդ էլ նէպի. քաղաք մարգարէին կանուանեն, ու կը գրանուի Մէքքէն 200 մղոնի շափ հեռուն՝ ժայռերու և անապատներու մէջ. մեծ դժուարութեամբ բոլորովին սրարեկ՝ ինչպէս կը ընանք կուահել՝ ապաստանեցաւ հոն և պատիւսվ ընդունուեցաւ։ Ամբողջ միւլիմանն Արեւելք՝ այս փախուստին ժամանակէն կը հաշուէ իր

թուականը, որ կանուանուի Հէճիյրէ և որուն սկիզբն է մեր թուականին 622րդ տարին. այն ատեն մարգարէ Մահմէտ ալ՝ յիսուն երեք տարեկան էր. ըստ այսմ՝ գրեմէ ծերացած էր ինք, իր բարեկամներն հետզհետէ լքան հեռացան իրմէն. իր ճամբան խրթնացած ու վտանգալից, որով իրաց ընթացք դուրսէն առանց յոյսի թողլով զինքն՝ իր գործն իսպառ կը խափանէր եթէ չկըրնար գտնել ինք յոյս իր խակ սիրտին մէջ։ Այսպէս կը պատճի միշտ ամէն մարդոց՝ նման պարագաներու մէջ։ Մինչև այն ատեն՝ քարոզութեամբ ու համոզկեր խօսքով իր կրօնքը ծաւալելու աշխատած էր, բայց հիմայ անարդութեամբ վտարուած իր բնիկ երկիրէն և իր սիրտին խոր աղաղակն՝ իր երկնային լուրջ պաշտօնն աշ միայն առ ոտն հարեալ և անլսելի անիրաւ մարդոցմէ, այլ և մահուան սպառնալիքով արդիլուած իրեն անոր վրայ բան մը խօսիլ — անապատին վայրագ զաւակն որոշեց պաշտպանել ինքինըն՝ ինչպէս վայել էր մարդու՝ մանաւանդ Արարի մը. և որովհետեւ այսպէս կամեցան Քորէյշք՝ հարկ էր որ այսպէս ըլլար ըստ մարգարէ Մահմէտի։ Ասոնք և ամէն արարք՝ շատ յարած ըլլալով խել մը առասպելւ ներու՝ չէին հաճեր անսալ մարգարէ Մահմէտի աւետաց խօսքերուն, որ իրենց ու բոլոր մարդկութեան համար անհուն կարեւորութիւն ունեցող կը թուէին և զորս չքացունել կախսատէին համարձակ բռնութեամբ սուրով և սպանութեամբ անգամ. քա՛ջ է՝ թո՛ղ սուրով ապա մարտնչին, և ինք մարգարէ Մահմէտ ևս տասը տարի ալ շարունակ կռուեցաւ ոգի ի բոխին՝ ճիգով և անհնարին շահատակութիւնով, ու ծաւ-

նօթ է մեզի թէ ի՞նչ եղաւ այս կռիւներուն արդիւնքը։

Նատ ըսուած է՝ թէ մարգարէ Մահմէտ աճեցուց իր կրօնքը սուրի՛ զօրութեամբ։ Արդարէ՝ աղնուագոյն ու պանծալի բան մըն է մեզի համար քրիստոնէական կրօնքի խաղաղ ծաւալումը, որ տեղի ունեցաւ համոզող քարոզութեամբ. բայց եթէ այս եղանակն համարենք իրը ասլացոյց կրօնքի մը ճշմարտութեան կամ ստութեան՝ մեծապէս կը սիսակինք։ Յիրաւի՛, սուր մը կայ աշխարհի մէջ, բայց ինդիր է թէ ուր պէտք է ձեռք առնել զայն։ Ամէն նոր գաղափար՝ նախ մի միակ մարդու մը փոքրամասնութեան միտքին մէջ սկիզբ կառնէ, և միայն հո՛ն կը մնայ գէթ ժամանակ մը. բովանդակ մարդկութեան մէջ մի՛ միակ անձ կը հաւատայ անոր, որով միայն մի մարդ կը գտնուի հանդէպ հանուր մարդոց։ Եթէ նա սուր առնէ տարածելու համար զայն՝ շնորհքով արդիւնք մը ձեռք չպիտի կրնայ բերել, բայց հարկ է որ մարդ գանէ՛ տեսակ մը սուր առ այն, վասնզի՝ հասարակաբար խօսելով՝ բան մը բաղմանալու համար պարտի ամէն հնարաւոր միջոց՝ ի գործ դնել։ Դիտելի է որ քրիստոնէական կրօնքն(*) ալ՝ երբեմն սուր գործածած է յետ միանդամ զայն ձեռք ձգած ըլլալու. Նարկմայնի միջոցով Սաքտնաց գարձը՝ քարոզութեամբ չառարշացը . . . :

(*) Քրիստոնէական կրօնքին աղբերց մէջ՝ սուր առնելու թոյլատութիւն չիկայ. ընդհակառակն «Որ սուր առնու սրով անկցի՛» ըսողը՝ կերպով մը սուրն արգիլած է այդպէս՝ բաւ համարելով անոր փոխան Սէրը, Շնորհը, Համբերութիւնն և Խաչը . . . Թարգմ.

ուեցաւ. ինծի գալով՝ այնչափ կարեւորութիւն չեմ տար սուրի խնդիրին, այլ կը հաւանիմ իսկ՝ որ աշխարհի մէջ բան մը յաջողելու համար՝ կուուի՛ սուրով կամ լեզուով կամ ա՛յլ ի՞նչ և իցէ առ ձեռն պատեհական գործիքով մը^(*). պէտք է թողունք որ քարոզուի՛ ան, դիմաբանէ՛, ոգորի՛ և թափէ մինչև իր յետին ճիշգը կուուցով և եղունդով կամ ինչ և իցէ պատրաստ միջոցով. վերջապէս երկար ճիգերէ ետք՝ պիտի աշխարհակալէ անշուշո իր բուն արժանեաց չափով։ չպիտի կը ընկայ չնշել իրմէ լաւագոյնը, այլ ինչ որ յուրի է։ Սյս մեծ մենակուիւին մէջ ալ՝ իրաւընտիրն ինք բը նութիւնն իսկ է, որոյ անհնար է անարդարութեամբ սխալի. ամէնէն ճշմարիս բանն՝ որ կանդաղած է բնութեան խորը՝ զայն միայն և ոչ ուրիշ բան պիտի տեսնենք վերջապէս շահուած և աճած զարգացած։

Եւ հոս ալ դարձեալ՝ նկատելով մարգարէ Մահմէտի ու իր գործին յաջողութեան մէջ կարդ մը բաներ՝ պէտք է ուշ դնենք թէ բնութիւնն ի՞նչպիսի իրաւընտիր մըն է. որպիսի վեհութիւն խորութիւն և ողոք ոգի կայ անոր մէջ։ Երկիրի ծոցին աւանդելու համար կառնես՝ օրինակի համար՝ աղնիւ ցորեն մը, որ վարակուած է յարդի կոտըրտուքներով, շտեմարանի մանրուըներով փոշիով և ուրիշ կարդ մը աղտերով. ա-

(*) Բանին, համբերութեան, միրոյ, նահատակուող առաքելութեան կրօնքին մէջ անած փիլիսոփայի մը գրիչին տակ անփիլսոփայ կը թուին այս խօսքերը։ Յովհան օձնեցին և 18րդ դարու հայ աստուածաբան մը Սորպօնի մէջ ուսած՝ սուրի վրայ ուրիշ պատշաճեցումով մը կը խորհին, (տես Գիրք վիճաբան. Գ. Միլէյսմեանի, էջ 106—107։ Թարգմ.։

ռանց զտելու՝ նոյն վիճակով կուտաս զայն բարի ու արդար հողին, որ կաճեցունէ զայն՝ անդիմադարձ իր մէջ ամփոփելով բոլոր աւելորդ աղտերն և թող տալով որ թեփոյքն ալ իր մէջ սուզուին։ Հատիկին կանաչ ցողունը կը բուտի հոն յուշիկ. բարեձիր հողն անփոյթ է միւս մասանցը, զրս ուրիշ օգուտի մը փոխարկած ըլլալով՝ անոնց պատճառով չմոտատանջիր բնաւ։ Ամէն տեղ այսպէս է բնութեան մէջ. հաւատարիմ է նա և չըրտեր բնաւ, նա և շատ մեծ ու արդար է նա մայրաբար իր ճշմարտութեան մէջ. Եթէ բան մը ըստ հիմանն անխարդախ է և զուտ՝ կը խընամարկէ անոր, թէ ոչ՝ կը ձգէ։ Իր տածած ասպնջականած ամէն բանի մէջ կայ ոգի մը ճշմարտութեան. աւաղ, աս ալ չէ՝ պատճութիւնն ամէն բարձրագոյն ճշմարտութեան՝ որ կուգայ կամ եկած է աշխարհ։ Սոյն կարգի ճշմարտութեանց մարմիններն (անձնաւութիւններն) ամէնն ալ անկատար են՝ լոյսի տարր մը պարունակող մժութիւններ, և ճշմարտութիւնք կը հասնին մեզի լոկ տրամաբանական ձեւերով, տիեզերքի վրայ դիտնական համագրութեամբ մը, որուն անհնար է կատարեալ ըլլալ, և կը հասնի օրը՝ զի կը գտնենք անոնք անկատար ու մոլա՛ր միայն, և այսպէս չքանալով տակաւ անհետ կը լլան։ Ամէն ճշմարտութեան մարմինը կը մեռնի, սակայն ամէն ճշմարտութեան մէջ կայ հոգի մը, որ չմեռնիր երբէք, որ մարդուն պէս կը մշտնջենաւորի նորագոյն և աղնուագոյն մարմնացումի մը մէջ։ Այսպէս են բնութեան շափիղները, ճշշմարտութեան պարզ ու աննենդ էութիւնն երբէ՛ք չմեռնիր. բնութեան ատեանին հանդէպ կարեորագոյն

բանն է՝ զի այդ էութիւնն ըլլայ աննենդ ձայն մը ելուզած բնութեան մեծ ու վսեմ խորութենէն, որոյ քով վերջնական կարեւորութիւն չունի մեր անուանելը զայն ամբիծ կամ պիղծ։ Բանն ան չէ՝ թէ ո՞ր յան յարդու թափթփուք կան վրադ, այլ թէ ազնիւ ցորեն կա՞յ մէջը, և ան՝ մաքո՞ւր է։ Հնար է որ շատ մարդիկ ըլլան ըստ բաւականին անբիծ այլ թեփով կամ յարդով այսինքն՝ կեղծ ենթադրութիւններով զրոյցներով և ձեւակերպութիւններով փերեւետեալ, որ երբէք հազորդութեան մէջ չեն եղած տիեզերքի մեծ սիրահին հետ. տիրապէս խօսելով՝ անոնք ո՞չ պիղծ ո՞չ ամբիծ այլ և ոչինչ են, և բնութիւնն անոնք բանի մը դորձածելիք չունի։

Իմաստասիրաբար տեսակ մը քրիստոնէութիւն անուանեցինք մարդարէ Մահմէտի կրօնքը. և իրաւապէ՛ս. նկատելով թէ ի՞նչպիսի վայրի եռանդով հաւտացուեցաւ ան և արմատ ձգեց սիրտերու մէջ՝ կը համարձակիմ կոչել զայն տեսակ մը քրիստոնէութիւն լաւագոյն քան այն սուրբիական ողորմելի աղանդներն՝ հանգերձ սնոտի բանսկուութիւններովն հովուայոն կամ հովուայոն բառերու՝ արդիւնք պիտակ ժխորներով ուռուցիկ գլուխներու, մինչ սիրտերը թափուր և մեռեալ էին. Արդարէ՝ մահմետական կրօնքի ճշմարտութիւնը խորասոյզ ընկլուզած ու խառնուած է աւելորդներու և մոլոր պատեաններու մէջ. բայց դարձեալ նոյն իմանալի ճշմարտութիւնն և ո՞չ չուրջի աւելորդն՝ հաստատութիւն տուաւ սոյն կրօնքին և անով միայն յաջողութիւն գտաւ։ Տեսակ մը աղջիկ քրիստոնէութիւն, բայց կենդանի ու կենաւականի մէջ. ուրիշ բան չէք բայց կենդանի ու կենաւականի մը՝ և ոչ թէ

մեռած կամ կտոր կտոր եղած սոսկ տրամաբանական անպիտան ձեւերով։ Զերծ արաբական կռապաշտութեան աղտերէն, փաստաբանական աստուածաբանութիւններէն, աւանդութիւններէն, նրբախնդրութիւններէն, յունական և հրէական ենթադրութիւններէն ու առասպելներէն, տաղտկալի մանուածոյ ճառատանքէն՝ անապատի այս բնազդեցիկ մարդն՝ իր պարզու վայրի սիրտով, լուրջ կեանքի և մահու պէս, իր բնական ամէնաթափանց տեսանողութեամբ՝ թափանցած էր կրօնական գործին ուղեւծուծին։ Նա ինք ձայն վերցունելով կը գոչէ «Կռապաշտութիւնդ չիք բան մընէ. այդ փայտակերտ կուռք, որ իւղով և մոմով կօծէք, և ճանճեր կուդան կը բռնուին անոնց վրայ՝ լո՛կ փայտ են ատոնք. ձեր փրկութեանն համար ոչ ինչ կը զօրեն այդ անպիտան ու անիծած խրտուիլակները, այդ զըզուելի՛ գարշելի՛ առարկաներն՝ ա՞հ եթէ միայն գիտնայիք այսպէ՛ս ըլլալը... մի միայն Աստուած մը կայ, ինք ամէնակարող՝ որ ստեղծեց մեղ ու կը ընայ մեռցունել և կեցունել մեղ, Աղահ եփեր, Աստուած մեծ է. գիտցէք որ իր անօրէնութիւնն է լաւագոյնը ձեզի համար, և թէպէտ զարնէ՛ ան ձեղ թէ՛ մարմինի թէ՛ արիւնի կողմէն՝ իմաստնագոյնն և բարեգոյնը պիտի գտնէք զայն, այսպէս ճակատագրուած ըլլալով ձեզի համար հոս և հանդերձեալին մէջ. ուրիշ բան չէք կը ընար ընել»։

Եւ արդ՝ բանի որ վայրենաբնակ կռապաշտք հաւատացին ասոր ճշմարտապէ՛ս թողլով իրենց գոռոզութիւնն և ընդգրկեցին իրենց բոց-սիրտովը նոր կրօնն՝ ի՞նչ ձեռվ ալ որ եկաւ ան, կը հաւանիմ ըսելու թէ

շա՛տ արժանի էր ան հաւատացուելու։ Այս կամ այն ձեխն տակ՝ միաստուածեան այս համակերպութիւնը շատ արժանի՝ էր հաւատոյ հանուր մարդկութեան անդամ։ Անո՛վ՝ մարդ կըլլայ ստուգիւ վեհագոյն քահանան աշխարհի տաճարին, Արարիչին նախասահմանութեանց հետ կը ներդաշնակուի՝ գործակցելով անոնց, և վայրապար չհետելով անոնց, անոնց դէմ չելելով։ և այսօր իսկ՝ ասկէ լաւագոյն ուրիշ սահման պարտականութեանց չեմ գիտեր ես թէ ունինք. ամէն արդար բան՝ կը պարտադրուի բնութեան իրական օրէնքին ու բերմանց գործակցելու, և այս ընթացքով միայն կարելի է իրապէս յաջողիլ, (աշխարհի օրէնք պիտի յաջողին միշտ)։ ասո՛վ հնար է ըլլալ բարի և արեգակին տակ ուղիղ ճամբու մէջ։ Հումուսիոնի և Հումուսիոնի տրամաբանական սնուտի վէճերն՝ այն առեն կամ երբ որ ըլլայ ինքնին պիտի յաղթահարուին անփաստ կամ երթան այլ ուր որ երթալ կուզեն. և ա՛ս է շարունակութիւնն ու վախճանն այս կարգի վէճերու՝ եթէ երբէք ունին վախճան կամ իմաստ մը. եթէ այսօրինակ վէճք չհամակերպին աշխարհի բերմանց՝ իրենց նշանակութիւնն ոչինչ կըլլայ. վերացմունք և տրամաբանական առաջարկութիւնք՝ ճշդիւ կամ անճշդորին ձեռուած կըլլան ըլլալ, բուն կարե՛ որն ան է թէ կենդանի ու թանձրացեալ ադամուրդիք սիրտով կըմբռնե՛ն բնութեան այդ ճշմարիտ օրէնքը իմաստութիւնն ինք լավեց ջնջեց բոլոր այս անպիտան ու կըռուաղան աղանդները, և կարծեմ իրաւունք ունէր այս պէս ընելու՝ ինքն իսկ ըլլալով ճշմարտութեան նոր ձեւ (նորոգեալ ժողովուրդի մը համար) ըսե՞նք անդամ

մըն ալ, բղխած ուղղակի բնութեան վեհ սիրտէն։ Արաբ կուապաշտութիւնք սուրբիական ձեապաշտութիւնք և ուրիշ ամէն բան՝ որ չունէր հանգոյն ճշմարտութիւն՝ իբրև իսոյիւ ամէն մասամբ պէտք էր որ բոցաճարակ ըլլային հանդէպ ասոր, որ իու՛րն իսկ էր։

Մինչ այս կատաղի պատերազմներն ու բանակը ուկաները տեղի կունենային՝ մանաւանդ Մէքքէ փախչելէն ետք, մարդարէ Մահմէտ կը թելադրէր երբեմն երբեմն գրել այն սրբանուէր մատեանը, որ կանուանի Քուրան, այոնքն է՝ լինելոցուած, «քա՛ն ընթեռնի» և որուն վրայ այնքան մեծարանքով կը խօսին ինք ու իր աշակերտք՝ հարցունելով հանուր աշխարհի թէ «հրաշալիք մը չէ» ան։ Մահմէտականք կը պատուեն իրենց Քուրանն այնպիսի պաշտամամբ, զոր շատ քիչ քրիստոնեայ կը մատուցանէ իր Ս. Գիրքին. և ընդունուած է ան ամէն տեղ իբր հիմն ու նախատիպ ամէ՞ն օրէնքի ու գործի. ուղեցոյց խորհրդոց և կենցաղի, ուղիղ աւետիք երկնառաք, որուն պարտ է համակերպիլ երկրիս և վարուիլ ըստ այնմ, և ընթեռնուլ զայն միշտ Դատաւորք անո՛վ վճիռ կարձակեն ու բոլոր Միւսիւլ մանք պարտական են ուսանիլ զայն և անոր մէջ վնտել լոյսն իրենց կեանքին։ Կարգ մը մզկիթներու մէջ հանապազօր կը կարդան զայն ամբողջապէս. հոն՝ երեսուն սրբազան պաշտօնեայք՝ փոխանակով կը քաղեն զայն ծայրէ ծայր ամէն օր։ Հո՛ն հազար երկու հարիւր տարիէ ի վեր՝ բիւրաւոր մարդոց լսելեաց ու սրտից մէջ կը հնչէ անդադար արձագանդն այս գիրքին. ու մենք լսած ենք մահմէտական գիտուններէ՝ թէ եօթանասո՞ւն հազար անդամ կարդացած էին զայն։

Շատ հետաքրքրական պիտի ըլլար ուսումնասիրել տոհմային ճաշակի պէսալիսութիւնները, և ասոր նշանաւոր պատկերը պիտի ըլլար Քուրանը՝ Մենք Անդզիացիքս ալ կը ըստի քաղաքականի ընտիր և հաւատարիմ ճանչյուած թարգմանութիւնը, զոր ըրած է Սէլլ, ու ես կարդացած ըլլալով այս թարգմանութիւն. Կը հարկադրիմ խոստովանիլ որ այսպիսի տաժանելի ընթերցանութիւն մը երբէք չէի ըրած. վասնդի անյա՛ր խառնուրդ մըն է ան, գըժոխըմբեր ու անկարգ, ի՞ անվերջ կը կնաբանութիւններով, երկարածիդ պարբերութիւններով ու շարամանութեամբ, մէկ խօսքով՝ շատ անմարսելի ու անտանելի. Եւրոպացիի մը՝ ի հարկի պարտականութեան միայն հնար է կարդալ Քուրանը ծայրէ ծայր, ինչպէս պետական արձանագրաց մէջ՝ կը կարդանք նաև Քուրանի մէջ անընթեռնլի շղթայրանութեանց խառն պրակներ, որպէսզի թերեւ առնենք քանի մը տեղեկութիւն նշանաւոր անձնաւորութեան մը վրայ՝ Ստոյգ է սակայն նաև՝ որ մեզի համար Քուրանն այլակերպեալ բան մըն է և չունի այնչափ համորշափ ունի արարներուն համար, որ մենէ շատ աւելի կարգ ու սարք կը գտնեն անոր մէջ՝ Մարդարէ Մահմէտի հետեւողք գտան Քուրանն հատուածներու բաժնուած և գիղուած վրայ վրայ՝ իր առաջին քարոզութեան ժամանակ գիրի առնուած վիճակին մէջ, և շատերն՝ ինչպէս կը սեն՝ գրուած ոչխարի մագաղաթներու կամ տափուկիերու վրայ (omoplate) ու խառն ի խուռն ձգուած արկղի մը մէջ, և հրատարակեցին զայն առանց մատչելի կարգի մը՝ թուական և ուրիշ պարագայի վրայօք. ջանալով միայն՝ ինչպէս կերեի՝ յառաւ-

ջադաս կարգել երկայնադոյն յօդուածները, որով վերջին յօդուածը կը լայ բո՛ւ սկիզբը՝ զի կարձադոյն յօդուածներն ամէնէն առաջ գրուեցան, մատեանին պատմական գնացքն այնչափ յոռի չէ, և բնագիրին մէջ շատերն՝ ըստ Արաբաց՝ ոտանաւոր են, տեսակ մը վայրի հնչուն օրհներգութիւն. և այս տաղաչափական պարագան թերեւ կարեւորագոյն բան մըն է Քուրանի համար, ու թերեւ թարգմանութեան մէջ շատ բան կորսուած ըլլայ անկէ. բայց և այսու ամենայնիւ գժուարին է գարձեալ հաւատալ՝ թէ կարգ մը մահացուներ համարած ըլլան զայն երկինքի մէջ գրուած և երկիրի համար շատ բարերար մատեան մը, լաւ գրուած կամ՝ մէկ խօսքով՝ կատարկալ Գիրիք մը լսու մեզ՝ յաւէտ մանուածոյ հաղներգութիւն մըն է ան, անարուեստորէն գրուած (եթէ կը ըստիլ գըրուած) գիրը մը արեգակին տակ՝ Այսչափ բան բաւական կը համարինք ըսել Քուրանի վրայ՝ տոհմային պէսպիսութեանց ու ճաշակի մասին:

Դարձեալ՝ գիրին է հասկընալ թէ ինչո՞ւ Արաբք կը րցած են այնչափ սիրել Քուրանը՝ երբ մարդ անգամ մը կարդալ տալէ ետք ձեռքէն ձղէ այս գիրքը, եւ մէկ կողմ դնէ զայն՝ անոր խոկական գրոշմն ինքնին կը սկսի յայտնուիլ իր միտքին, եւ այս պարագային՝ հոն բանասիրականէ շատ տարբեր արմէք մը կը նշմարուի: Բաւ է որ գիրը մը կը սկսակի սիրտէ բղխած ըլլայ, թէպէտ անարուեստ թէ և առանց բանահիւսական զարդուց՝ կը յաջողի գրաւել այլոց սիրտերը. և այս հայեցուածով կը ըսել թէ Քուրանի առաջին ու անհամեմատ նախամասնութիւնն՝ իր

աննենգութիւնն և բարեհոգիուրիւնն է, Գիտե՛մ,
Բրիտոյ և այլք նկարագրած են մեղի զայն իրրեւ լոկ
ձևաբանութեանց դէղ մը, հատուած հատուածի վրայ
շեղակուտեալ՝ արդարացունելու և գեղերեսելու հա-
մար հեղինակին մեղքերն և զօրավիգ ըլլալու անոր
փառասիրութեանց և տարփողանքին, այլ ստուգիւ
հասա՞ծ է ժամանակն ընկրկելու համար այս ամէն ընդ-
վայրախօսութիւնները։ Առանց երաշխաւորելու մարգա-
րէ Մահմէտի անյեղի անկեղծութեան (և ով անկեղծ
տեսած է անայլայլապէս), կը խոստովանիմ որ բնա՛ւ
կարևորութիւն չեմ տար ու միտքը չեմ հասկընար ար-
դի քննաբանից ոմանց, որ կը վերագրեն անոր կան-
խամտածեալ հնարք մը, իրրեւ թէ գիտակից կեղծող
մը եղած ըլլար՝ ըստ մեծի մասին կամ ըստ ամենայ-
նի. նա՝ աւելի յառաջ երժարով՝ կըսեն թէ ամբողջ
կեանքը մարգարէ Մահմէտի գիտակցական հնարա-
գործութիւն մը եղած է ու ինք գրած է այս Քու-
րանն այնպէս՝ ինչպէս պիտի գրէր հնարագործ մը։
Անձնիւր բարեմիտ ընթերցող Քուրանի այլապէս պիտի
մտածէ՝ նկատելով անոր մէջ մեծ ու անհրահանգ
մարդկեղէն հոգիի մը եռանդին անկարգ յոյզերը, ան-
յարդա՛ր այնպէս և այնքա՞ն անխնամ որ կարդալ ան-
գամ չգիտնալու նշաններ ունի. բայց ինք յո՛րդ է
խանդով լրջութեամբ, և սաստիկ ամեհութեամբ կը
ճգնի արտայայտել ինքինքը խօսքով. իր Քուրանին
մէջ կը տեմնուի ինքինքն արտայայտելու ուժնու-
թիւն մը շնչառապառ. անոր մէջ խառն ի խուռն կը յոր-
դին կը խուժեն մտածութիւնք, և՝ խոսուելիքներուն
շատ խոնութեանը պատճառով՝ գրեթէ ոչինչ կը խօս-

սի, կարծես, իր իմաստներն ո՛չ մէկ շարադրութեան
ձեմ մէջ կարգադրուելու ընդունակ չեն. ո՛չ մէկ շա-
րայարութիւն կայ հոն, ոչ իսկ մէթոտ մը, և ոչ մէկ
կապակցութեան մը կը թեքին կը ճկին։ Ըստ այսմ՝
Մահմէտի իմաստները բնաւ ներուած չեն, այլ անձեւ
անկերպարան՝ ներշնչեալին միտքէն դուրս ցայտուած՝
կարծես կուտելով և թաւալելով թուղթին վրայ՝ իրենց
սկզբնական անյօդ ու քառսային վիճակին մէջ։ Մահ-
մէտի այս գիրքն անուանած ենք նաև «անիմաստ»,
այլ չէ՝ այն բնաւ երրէք բնականապէս անիմաստ՝ գըր-
ւած ըլլալով մանաւանդ բնական խոշորութեամբ կամ
անհարթութեամբ մը. վասնզի ինք Մահմէտ չէր վար-
ժուած ճարաարխօսութեան մէջ, անկարելի էր անոր
անընդհատ կոխւներու և պատերազմներու երեսէն՝
պարապ գտնել ու իմաստակիրել գիտնական ասու-
թիւնները. կեանքի ու փրկութեան վերամարտիկ զին-
ւորի մը սրտատրոփ աճապարանքն և ուժգնութիւնն է՝
մարգարէ Մահմէտի գտնուած վիճակին հանգամանքը.
աճապարանք այլ յայլմէ իմն պակուցեալ իր իմաստ-
ներուն կարի՛ վեհութենէն իսկ՝ ինք չկըրնալով իսկ
արտայայտել զինքն յօդաւոր բարբառով։ Այսպիսի
տրամադրութեամբ հոգիի մը յաջորդական արձագանգ-
ները (պէսպիսացած քաններեքամեայ պատերազմի մը
տեսակ տեսակ յեղուածներով)` գիրի առնուած մերժ
ճարտարութեամբ մերժ անյարդար անարուեստ՝ ա՛ս է
ահա Քուրանը։

Վասնզի՝ կը տեսնենք մարգարէ Մահմէտը քսան
երեք տարի՝ եղած իրրեւ կենդրոն կոխւով բովանդա-
կապէս բորբոքած աշխարհի մը։ Պատերայ դմ Քորէլշ-

ներու և հեթանոսներու գէմ, կռիւ իր իսկ հետեւորդ ժողովուրդին մէջ, ու ինք ուժասպառ այս յուզմանց մէջ իր վայրադ ոգիովը. այսպէս յարաշարժ յորձանքի մէջ տատանեցաւ իր հոգին ու երբէք անդորր և հանգիստ չեղաւ: Դիւրին է մտածել թէ ի՞նչպէս այս մարդուն հոգին գիշերային տընութեանց մէջ՝ նշաւակ այս կարգի գղողներու՝ վերջապէս կողջունէր այս գժուարութեանց մասին որոշումի մը լուսաւոր ձեն՝ իբր երկինքէն ծագած ճշմարիտ լոյս մը. իր տառապած միտքին արդիւնք ամէն որոշում սրբազնեալ՝ այսպէս կը թուէր իրեն՝ ներշնչումը Գաբրիէլ հրեշտակի մը: Ու մենք՝ կանուանենք այս մարդն հնարագործ մը: Ո՛չ ո՛չ բնաւ: Խոկումներու ընդարձակ հնոցի մը նման բորբոքող այս մեծ եռանդնայոյզ հուր սիրտն՝ երբէք աճպարարի մը սիրտը չէ՛ր. իր կեանքն ու Հաստին այս տիեզերքն՝ իր միտքին հանդէպ իրական գործ մը և ահաւոր ստուգութիւն մըն էին: Ինք ո՛չ գուն ուրեք վրիպեցաւ՝ ըլլալով անուս անապատականի որդի մը բնութեան, և պետէվիութենէ մնացած շատ բան կարդեռ իր վրայ. այսպէս պէտք է համարենք միշտ զայն: Այլ կարելի չէ՛ մեղի ու շա՛տ գժնդակ ալ է կարծել զայն ողորմելի հնարամիտ մը, կոյր անզգայ և սովլալուկ ճարտարող մը՝ պատառ մը հացի համար այսպէս հնարագործի երկնառաք տեսանողի գեր խաղացող՝ ուրանալով հանապազ իր ստեղծողն ու իր անձն անդամ:

Ըստ իս՝ Քուրանի բու՞ն արժէքն է՝ բացարձակ անկեղծութիւն, որ և վայրենաբնակ արաբներու աշքին չքնաղ բան մը ըրած է զայն և որ մատեանի մը առաջին ու վերջին արժանիքն է՝ ինք միայն մայր, այո՛,

և աղբիւր ամէնազան արժանիքի: Հետաքրքրական է նաև տեսնել Քուրանի այս աւանդական կշտամբալից տրանջող ու պալատախառն հատուածներուն մէջ սրփուած՝ ճշմարիտ ու շշտ հոգետեսութեան երակ մը, տեսակ մը բանաստեղծութիւն հոսանուտ՝ թափառիկ երակի մը մէջ: Գիրքին բուն տարրերն են դուտ աւանդութիւններ՝ առանց պատրաստութեան ուժգին խանդագին նախասացութիւններ, և մարգարէ Մահմէտ ըստէպ կակնարկէ նաև մարգարէներու հին պատմութեանց, որ արարացոց մէջ կը յիշատակուէին մինչեւ իր օրերը: Հոն արձանագրուած կը տեսնենք թէ ինչպէս մարգարէք՝ օրինակի համար Աբրահամ, Ղովտ, Մովսէս, քրիստոնեայ ու այլազգի ճշմարիտ կամ սուտ մարգարէներ՝ հետզհետէ այս կամ այն ցեղին մէջ ի յայտ գալով՝ աղդարարած էին մարդոց իրենց մեղքն և անոնցմէ ընդունուած էին անարդանքով. ի՞նչպէս ինք մարգարէ Մահմէտ ալ, որ իր անձին մեծ սփոփանք կը համարէր անոնց նմանավտութիւնը՝ կը կրկնէ ասոնք տասը բան ու աւելի անդամներ, ու չյագենար ի սպառ կը կնելէ: Արիասիրտ Մամուէլ ծօնսը՝ մը՝ իր լքուած շտեմարանին մէջ՝ կը բնար այս միջոցով նորէն պրաբռել որոնել Նեղինակներու կենսագրութիւնը: Քուրանի գըլխաւոր պաշարն այս նիւթերն էին, որոնց հետ սակայն ամէնուրեք կը նշմարենք զարմանքով ճշմարիտ խորհուցին ու տեսանողին կայծակնանշյլ փայլումները: Հոն կը տեսնուի մարգարէ Մահմէտի սուր հայեցուածն աշխարհի վրայ, որ իր սեպհական ուղղութեամբն ու եռանգնաբորբ վայրի կորովովը կը ցոլացունէ ընթերցողին սիրտին խորքն՝ իր սիրտին յայտնուած բաները:

Առ Աստուած ուղերձեալ գովութեանց վրայ չէ՝ խօսքս, որոնց նման ուրիշ շատեր երգած են և որ երբայականներէն փոխառութիւններ են՝ կարծեմ՝ և անոնց մէ շատ վար. այլ կուղեմ մատնանիշ ընել իրերու սիրտը թափանցող և անոնց իսկութեան խելամուտ այն սուր և ըստ իս ամէնէն գերազանց բանը մարգարէ Մահմէտի վրայ. վեհ բնութենէն ամէնուն պարգեռած ձիրք մը, որուն յարգն հաղարէն մէկ անձն հաղիւ ըմբռնելով՝ անոր մէջ կը յարանայ յօժարութեամբ, և զոր՝ իբրև փորձաքար անկեղծ սիրտի՝ կանուանեմ անկեղծութիւն տեսութեան:

Գալով հրաշքի՝ մարգարէ Մահմէտ չէ՛ր կը ընար հրաշագործել. ի՞նք իսկ յաճախ սրտայուղութեամբ կը գոչէր թէ «Ես չե՛մ կը ընար հրաշք գործել», «Ես հասարակաց քարողիչ մըն եմ», քարողիչ այս վարդապետութեան առ ամէն մարդիկ. մանկութենէն ցայնվայր՝ բովանդակ աշխարհ մեծ հրաշք մըն էր իր աչքին, ինչպէս կը ընանք տեսնել իր վրայ. կը սէր նա, Աստուծոյ այս ձեռագործք սըանչելի հրաշալի չե՞ն, և ամէնն ալ բովանդակապէս ձեզի համար հրաշք ու նշան մը չե՞ն «Եթէ միայն կուրաբար չնայիք»: Ինքն Աստուծ ձեզի համար կազմեց այս երկիրն ու ձեզի ճամբայ ցուցուց անոր մէջ», հոն բնակելու համար և երթալու ուր որ կամիք. հիմանալի են մարգարէ Մահմէտի աչքին մանաւանդ ամպերն՝ արաբական երաշտի երկիրն մէջ «լայնատարած ամպերը, կը սէ նա, որ վերի անհունութեան վեհագոյն խորերէն կը ծնին և կուգան: Այդ սեւ անարդի ճիւաղները՝ վերն առկախուած՝ և ահա կը նայիս որ տեղատարափ յերկիր կիջնեն «վերակեն-

դանացունելու համար դիակնացած գետինը», ու «կը փիթեցունեն խոտի գարունը, և այն բարձրուղէշ արմաւենիները՝ տերեւներով ու արմաւի ողկ'յղներով մէկտեղ կը վայրահակին. հրաշք չեն ասոնք. նմանապէս ձեր արջառները, զոր Աստուած ստեղծեց, աշխատաւո՞ր անմուռ նչ արարածներ, որ կաթի՛ կը փոխարկեն խոտն և ձեզի կը մատակարարեն նիւթ ագանելեաց, զարմանալի՛ կենդանիներ՝ երեկոյի ժամուն կարգով կը գառնան գոմ, և՝ կը յաւելու ըսել՝ զարդ ու պատիւ մըն են ձեզի: «Նաւերն ալ, զի յաճախ կը խօսի նաւերու վրայ, այն անհեթեթ ու շարժուն լեռները, որ պարզելով իրենց առագաստի թեւերը՝ կը չուեն սստոստելով ջուրերու վրայէն. երկինքի հոգին է անոնք վարողն՝ առանց որոյ անհնա՛ր է որ գնան. այլ յանկա՛րծ Աստուած կը զսպէ հովերն ու անոնք կը մնան անշարժ անխաղաց, և չեն կը ընար խայտալ»: Հրաշք, կը գոչէ մարգարէ Մահմէտ, և ի՞նչ տեսակ հրաշք կը իննդրէք. գուք իսկ ինքնին աշխարհի վրայ հրաշք մը չէք: Աստուած ստեղծեց ձեզ «խուն կաւէ մը» որ «Երբեմն փոքրիկ արարածներ» էիք և անկէքանի մը տարի առաջ բնաւ իսկ չէիք. ունիք արդդէմքի վայելլութիւն, զօրութիւն, իմացականութիւն, և «սիրելութիւն ու վշտակցութիւն առ երեարս»: Եւ ահա ծերութիւնը կը հասնի, ու կը սպիտակացունէ ձեր մազերը, և կը նուազի ձեր ոյժը. կորացեալ կիյնաք, և ահա միւս անգտմ ո՛չ ևս էք: «Ունի՛ք սիրելութիւն իրարու», մանաւանդ այս ասացուածը շատ կը շարժէ զիս. «Աստուած կը ընար ստեղծել ձեզ առանց իրարու սիրելութեան, և այն ատեն ի՞նչ պիտի

ընէիք: Մե՛ծ և ուղղակշխու մտածութիւն մըն է աս,
սկզբնանշոյլ հանճարաբանսութիւն մը՝ կորզուած իւ-
րաց իսկութենէն: Բանաստեղծական հանճարի լաւա-
գոյն և ճշմարտագոյն բանից անհարժ հետքեր կերեւ-
վին այս մարդուն վրայ. հզօր և անմշակ իմացականու-
թիւն մը, տեսանողութիւն խորին և սի՞րտ մը զգա-
յուն. կորովի՛ վայրամարդ մը, որ կըրնար ըլլալ կըր-
թութեամբ միապէս ե՛ւ քերթող ե՛ւ արքայ ե՛ւ քահա-
նայ. դիւցազն ամէ՛ն բանի մէջ:

Թէ այս աշխարհ իր բովանդակութեամբն հրաշք
մըն է՝ այս ճշմարտութիւնն իր միտքին համար յաւէտ
պայծառ էր: Ինչպէս անգամ մը ըսինք՝ ամէն մեծ
խորհողաց և նոյն իսկ բիրտ Սկանտինաւեանց պէս՝
ինք մարգարէ Մահմէտ ալ խելամուտ եղաւ թէ այս
նիւթեղէն տրամ երեւցած աշխարհն՝ ըստ դոյին իսկ
ուրիշ բան չէ բայց Աստուծոյ զօրութեանն ու ներ-
կայութեանը տեսանելի ու շօշափելի ցոյցը, իրմէ դուրս
առկախուած ստուեր մը պարապ ամբաւութեան ծոցին
վրայ և ուրիշ ո՛չ ինչ՝ «Լեռները, կըսէ նա, այն մե-
ծամեծ քարակուռ լեռները»(*), պիտի աներեւութեանան
լուծուելով կապոյտին մէջ ինչպէս կը լուծուին կը ցըր-
ուին ամպերը: Նա՝ ըստ Սէյլի՛ կիմանայ աշխարհն ա-
րաբական ոճով իբրև միատարր ու տափակ դաշտ մը
անհուն և հողեղէն, և անոր վրայի լեռներն իբրև
սիւներ՝ ամրապինդ բռնելու համար զայն: Անոնք ամ-

(*) Սրաբիայի ու Պաղեստինի լեռները մեծ մասով լերկ
ու ժայռուտ են, անհողած գագաթներն ՚ի վեր ցից ցից կերեւ-
վին խիտ առ խիտ ժայռեր կապարի մեծ ձոյլերու նման:

պի նման աներեւոյթ պիտի ըլլան «վերջին օրն» ու
աշխարհ համօրէն վեր ՚ի վայր պառագելով պիտի
աւերի և պիտի չքանայ ոչնչութեան մէջ՝ շոգիի ու
շամանդաղի նման: Աստուծոյ ձեռքն երբ վերանայ
անկէ՝ նոյն ժամայն կը կործանի: Հանապազօր յայտնի
էր մարգարէ Մահմէտի՝ «Ալլահ»ի տիեզերական պե-
տութիւնը, իր անճառելի կարողութիւնն ամէնուրէք,
իր շուքն և անասելի ահարկութիւնը, նոյն միանդա-
մայն ստոյգ զօրութիւն և էտթիւն և իրականութիւն
ամէն բանի մէջ: Ինչ որ արգի իմաստասէր մը կան-
ուանէ բնութեան զօրութիւններ, բնական օրէնք՝ ա-
ռանց ճանչնալու անոնք իրը աստուածային իրեր և
ոչ իսկ նշանափելի ինչ արժանի իր անունին, այլ հա-
ւաքածոյ մը իրերու՝ անկցորդ գերբնականին ու աստ-
ուածայինին. Նիւթ վաճառելի, առարկայ հետաքրք-
րութեան և պիտանի միայն շոգենաւները մկելու հա-
մար: Մեր գիտութիւններովն ու հանրագիտարաններով
բերում մը ունինք անտեսելու մեծ աստուածայնու-
թիւնը մեր աշխատանոցներուն մէջ, այլ չվայէ՛ր մեղի
մոռնալ անտեսել զայն: Եթէ միանդամ մոռնանք զայս՝
չդիտեմ ուրիշ ի՞նչ բան արժանի պիտի համարինք
միտք պահելու: Գիտութեանց շատերն այն ատեն մեռ-
եալ ինչ պիտի ըլլան, չո՞ր ու ցամաք, կուռարո՞յծ և
ունայն բաներ, աշնանալերջի՛ դժնիկներ: Լաւագոյն
գիտութիւնն՝ առանց այս ճանաչումին՝ է ատաղձ ան-
հոգի: ոչ աճեցուն այն ժառն ու անտառը, որ կը մա-
տուցանէ միշտ փայտ թարմ՝ այլովքն հանդերձ: Եւ
բոլորովին անհնար է մարդու գիտնալ տիրապէս՝ ա-
ռանց պաշտելու ինչ և է եղանակով: առանց պաշտե-

լու՝ գիտութիւնը ճամարտակութի՛ւն է կամ թէ՝ ըսե՞նք՝
դժնիկ մեռած։

Նատ բան՝ և յանիրաւի՝ գրուած և զրուցուած
է մահմէտական կրօնքի զգայականութեան վրայ։ Ի՞նք
չսահմանեց՝ մեզի դէշ երեւցած այն աղետաբեր թոյլ-
տուութիւնները, այլ գտաւ անոնք գործածուած դըր-
ուած անգիմադարձ անյիշատակ ժամանակներէ հետէ.
Ինք չափաւորե՛ց միայն անոնք և ամփոփեց շատ կող-
մերէն։ Իր կրօնքը գիւրնծայ (easy) չէ՛. խիստ ծո-
մապահութիւնք, լուացմունք, խիստ ու բազմաձև ա-
րարողութիւնք, օրն հինգ անգամ աղօթք և հրաժա-
րում գինիէ՝ ասոնք դիւրատար սահմանադրութիւններ
չէն, որպէս զի Մահմէտականութեան արագ ծաւա-
լումին արգելք ըլլային։ Իրբէ թէ կրօնքի մը կամ
ինչ և իցէ գրութեան մը յաջողութիւնն ա՛յս միջոցով
հնար եղած ըլլար։ Զրպարտութիւն մըն է ըսել՝ թէ
կարդ մը մարդիկ կը խիզախեն գիւցազնական գործե-
րու՝ զուտ հեշտութեան հաճոյքի ու քաղցրաւենեաց և
ա՛յլ նման փոխարինութեանց յւյոով՝ հոս ու հան-
դերձեալին մէջ։ Ամէնէ՛ն նկուն մահկանացուին սիրտն
անգամ՝ կը կրէ ազնուագոյն բան մը. բրտնաթոր հէք
վարձկան զինուորն իսկ՝ որ մեռնելու կերթայ՝ ունի
«զինուորական պատիւցը, շատ տարբեր քանի մը դա-
հեկանի փոխարէն մարտամեքենայ մը ըլլալու համո-
զումէն։ Ամէնէ՛ն չուառ աղամորդին անգամ՝ ոչ թէ
քաղցրահամ բաներ ճաշակելու, այլ վեհ ու ճշմարիտ
գործեր գլուխ հանելու և երկինքի տակ իր աստուա-
ծաստեղծ մարդու դիրքը ձեռք ձգելու և պահպանե-
լու անձուկով կը տոշորի ծածուկ. ամէնէ՛ն յետսամիտ

ստրուկը՝ գիւցազնական խանդով կը բոլնկի երբ ան-
գամ մը ցոյց տաս այս վերնամարտի ճամբան։ Մարդ-
կութեան մե՛ծ նախատինք ըրած կըլլան անոնք՝ որ կը
համարին զայն հրապութելի՝ հեշտութեանց միջոցով։
Մարդկային սիրտին վրայ ներդործող հրապոյրներն են՝
դժուարինն անձնուրացութիւնն և մահը. իր ներդոյ (*)>
վեհ կեանքը բողբոքելու համար այնպիսի բո՛ց մը ունինք
ձեռուուշնիւ՝ որ կրընայ վառե՛լ սպառե՛լ ամէն ստոր
նկատում. այս ներդոյ վեհանձնութիւնն երանութենէ
բարձր բան մըն է, զայս կը տեսնենք թեթև մարդոց
մէջ անգամ, որ կը յուղեն «պատիւի խնդիրներ» և
ուրիշ նման բաներ։ կրօնք մը ոչ թէ մեր ախոր-
ժակները շոյելով կրընայ շահիլ հետեղներ, ո՛չ եր-
բէք, այլ գրդռելով անձնիւր սիրտի մէջ նիրհող գիւ-
ցազնական երակին նեարդերը։

Ինք մարդարէ Մահմէտ ալ՝ նկատի առնելով իր
վրայով բոլոր զրոյցները՝ չէր մարմնասէր մարդ մը. և
մենք շատ պիտի սխալինք նկատելով զինքն այսպիսի
հեշտասէր մէկը՝ բոնուած մանաւանդ պարզ հաճոյք-
ներու բազէն։ Ինք ինչ և է պատշաճ հաճոյքի մը ան-
գամ անձանօթ էր. Առանին կարի՛ սակաւագէտ կեն-
ցաղ մը կը վարէր. իր սովորական կերակուրն էր գա-
րիի հաց և ջուր, երբեմն ամիսներով կրակ անգամ չէր
վառեր։ Իր հետեղը արդար պարծանքով կը պատմեն
թէ ինք անձանթ կը կարկատէր իր կօշիկներն ու վե-
րարիւն։ Անինչ չարքաշ ու անտեսուած մարդ մըն էր,
անփոյթ հասարակ մարդոց հոգ տարած բաներուն. չէ՛
չէր նա սովորամոլ մարդ մը՝ պարտ է ըսել ինծի. ինչ

(*) Ներսի։

և է կարգի ախորժակէ լաւագոյն զգացում մը կար անոր ներսը, ապա թէ ոչ այն վայրադ արաբորեարը, քըսան երեք տարի մարտակից ու կենակից իր մօտ, միշտ անոր հետ սերտ կցորդութեամբ՝ չէին մեծարեր զայն այնչափ պատիւով։ Անոնք վայրենաբարոյ մարդիկ էին անդադար կոխուի մէջ ներսն ու դուրսն՝ ամէն տեսակ վայրադ համարձակութեամբ։ Անհնար էր մէկու մը կառավարել անոնք՝ առանց ստոյդ արժանիքի ու առաջինութեան։ Կը զարմանաք որ մարդարէ կոչեցին զայն։ Ի՞նչպէս դէմ առ դէմ ըլլալով անոնց՝ պարզ առանց պատրուակելու իր անձը խորհուրդներով, ամէնուն աչքին առջև անձամբ նորոգելով իր վերարկուն և կարելով իր կօշիկները, մարտընչելով խորհուրդ գումարելով և անոնց մէջ հրամատարելով՝ հարկ էր գիտնալ անոնց թէ ի՞նչ տեսակ մարդ էր նա, ու ձեր ուղածին պէս անուանել զինքը։ Ոչ մէկ թագապանծ ինքնակամի հնար եղած չէր՝ վերարկուն կարող ոյս մարդուն պէս՝ լսելի ընել իր ձայնն ու պաշտուիլ. քսան երեք տարի ձախող պատերազմներու միջոցին՝ ճշմարիտ դիւցաղնի սեփական հոգի մը կը գտնեմ ես անոր վրայ։

Իր վերջին խօսք՝ աղօթք մըն են. խոռվեալ պայքարող միրտի մը՝ դէպի Հաստիչն ուղերձեալ յուսադողոջ ճիգ մը երկնատենջ. Զենք կը ընել թէ իր կրօնքը զինքն յուեգոյն ըրաւ, այլ ըրաւ լաւագոյն և բարեգոյն։ Վեհանձնութեան բաներ կը պատմուին իր վրայ. Երբ իր աղջիկը մեռաւ՝ իր գաւառաբարբառով խօսք ըրած շատ գորովաշարժ է իր անկեղծութեամբ ու վայել խօսքը քրիստոնեայ շուրջերու. «Ճէ՛ր տայ և տէ՛ր առնէ, օրհնեալ ըլլայ իր անունը»։ Նոյն-

պէս խօսեցաւ՝ երբ լսեց Սէյխտի մահը, որ իր ազատագրած սիրելագոյն գերին և իրեն հաւատացողներուն երկրորդն էր՝ ինկած Յունաց դէմ մարդարէ Մահմէտի մշած առաջին Դապուքի պատերազմին մէջ։ «Ազէկ եղաւ այսպէս» գոչեց մարդարէ Մահմէտ. «Աստուծոյ գործին ծառայեց Սէյխտ և Աստուծոյ քով գնաց հիմայ, երանի իրեն»։ Ու երբ, սակայն, Սէյխտի աղջիկը՝ տեսնելով սպիտակահեր մարդարէն որ յորդապէս կարտասուէր մեռեալ մարմինին վրայ՝ աղաղակեց թէ վայ ինծի, այս ի՞նչ է որ կը տեսնեմ – «բարեկամ մը որ կարտասուէ բարեկամին վրայ» պատասխանեց մարդարէ Մահմէտ։ Իր մահուընէն երկու օր առաջ վերջին անգամ աղօթարան երթալով ինքրեց որ եթէ անիրաւած էր մէկու մը՝ պատուհասուի փոխարէն, նաև թէ մէկուն պարտք մը ունի՞։ Ճայն մը պատասխանեց թէ «պարտք ունիս ինծի երեք դահեկան, զոր ժամանակով փոխ տուի քեզի»։ մարդարէ Մահմէտ հրամայեց վճարել զայն՝ ըսելով թէ լաւ է արդ ամըշնալ հոս այս պարագայով քան հոն դատաստանի օրը։ Քատիշայի սիրուն մասին իր երդումն ալ «յանուն Աստուծոյ» նշանակելի բան մըն է։ Այսպիսի սրտախօսութիւնք կը ցուցընեն որ նա անսոււտ մարդ մըն էր, հոգեղբայր մեզի ամէնուս տառներկու դարերու մէջէն յանդիման ըլլալով մեզի՝ իբրև ճշմարիտ որդի հասարակաց մօր։

Սիրելի է ինծի նաև մարդարէ Մահմէտ՝ իբրև բոլորովին ազատ ոք կեղծաւորութենէ, ինքնանպաստ որդի անապատի՝ առանց պատրուակելու իր անձը. ամենսին չիկայ անոր վրայ յոխորտ անձնահաճութիւն,

ազատ միանդամայն կարի՛ խոնարհութենէ, ու կերեկի միշտ ինք՝ ինչպէս հնար էր երեւիլ իր ձեռքովը կարած կօշիկներովն ու վերարկուով՝ պարզօքէն համարձակ ըսելով պարսիկ ամէն արբայից և յոյն ինքնակալաց համար՝ թէ ի՞նչ են ու ի՞նչ է իրենց պարտականութիւնը. իր մասին ալ քաջ գիտնալով «իր անձին յարգը»։ Պէտէ վիճներու հետ մահու և կեանքի կռիւի մը մէջ՝ անդժութիւններ տեղի պիտի ունենային բնականաբար, բայց ողորմածութեան բնական դութի և վեհանձնութեան գործեր ալ կատարուեցան հոն։ Մարդարէ Մահմէտ ո՛չ առջինները կը գովիզը և ո՛չ վերջիններուն համար կը պարծէր՝ անոնց իւրաքանչիւրն ըլլալով անջատ բերմունք իր սիրտին, իւրաքանչիւրն հոս հոն հարկ համարուած այն ժամանակը կեղծանոց մարդ մը էր. ըստ հարկի իրերուն՝ կը տեսնենք իր վրայ միամիտ քաջագործութիւն մը, նա շատ չկրմակը իր գործերուն և փառքերուն վրայ։ Ստէպ կը խօսի Դապուքի պատերազմին վրայ. իր մարդոցմէն շատերը դժկամակեցան երթալ այս կռիւին՝ պատճառելով օդին տաքութիւնը, հունձքի ժամանակը և այլն. և մարդարէ Մահմէտ երբէք միտքէն չհանեց այդ դըժկամակութիւնը։ Զեր այժմեան հունձքը, կըսէր նա, հազիւ օրուան մը բան է, և ան չէք մտածեր թէ ի՞նչ պիտի ըլլայ ձեր հունձքը բովանդակ յաւիտենականութեան միջոցին։ Օդը շերին է՝ կառարկէք. այո՛, շերին է, այլ դժոխք շերագոյն պիտի ըլլան ձեղի համար։ Երբեմն խօստ ծաղրաքանութիւն մը կը խուսափի իր բերնէն, և խօսքն անհաւատներուն ուղղելով կըսէ, «ձեր գործերուն արդար փոխարէնը պիտի առնէք ա-

հե՛ղ օրը՝ ճշգրիտ կշիռով և անաչառ ծանրութեամբ. աղէ՛կ բեռ մը պիտի տանիք. այո՛, դուք այդ ծանրութեանց աղէ՛կ բեռնակիրները պիտի ըլլաք, աղէ՛կ.» իր աշքն ամէ՛ն տեղ սկսեւած է իր գործին, միշտ կը տեսնէ զայն յայց յանդիման. իր սիրտն երբեմն լուռ պակուցեալ կերեկի այդ գործին վեհութենէն։ «Անշուշտ եղէք» կըսէ նա, և այս բառը Քուրանի մէջ երբեմն իրրկ պարբերութիւն դրոշմուած է, — մնշուշտ եղէք»։

Մարդարէ Մահմէտի վրայ երբէք չե՛նք տեսներ արուեստացուցութիւն. անոր գործը դատապարտութեան ու փրկութեան, ժամանակի ու յաւիտենականութեան հետ է, և մահու շափ եռանդով յարած է անոր լըջութեամբ։ Ինք չունի ճամարտակութիւն, վարկածներ, շահագիտութիւն, լոկ հետաքննութիւն մը ճշմարտութեան՝ խաղալով ու փերեւետելով անով։ Նսեմագոյն մեղք են ասոնք, արմա՛տ ուրիշ ամէն մեղքի. տառնք կը ցուցընեն թէ այդ սիրտերն երբէք ընտելացած չե՛ն բացայայտ ճշմարտութեան, այլ ապրած են «լոկ ստուերի՝ մէջ», այսպիսի մարդիկ ոչ միայն են աղքիւր ստութեան ու ստախօս, այլ նաև մարմնացումն իսկ ստութեան։ Բանաւոր ու բարոյական սկզբունք՝ ճառագայթ ստուածութեան՝ մթասոյզ եղած են անոնց վրայ և ողջ ողջ մեռած. մարդարէ Մահմէտի բո՛ւն գայթումներն անդամ՝ այնպիսի մարդոց ճշմարտութենէն աւելի ճշմարիտ են. զի կեղծաւո՛ր են անոնք, գիմակաւո՛ր քաղաքակիրմներ, յարգելի ատեն ատեն ու տեղ տեղ, անվնան՝ վասն զի ոչ մէկուն դժպհի ըլլալ կուղեն. յաւէտ ողորկախօս

անմեղուկ են, ճիշդ ածխային թթուոյ նման, որ է
թո՛յն ու մա՛հ:

Զուզելով՝ հանդերձ դոլել մարդարէ Մահմէտի
բարոյական պատուիրանքն՝ իրրև գերանուրը բաներ
իրենց տեսակին մէջ՝ կը բնանք ըսել թէ անոնց մէջ
կա՛յ միշտ ՚ի բարին ձգտում մը, իրապէս թելադրուած
ըլլալով դէպ՚ի ճշմարիտն ու արդարն ըղձակերտ սիր-
տէ մը: Անոնց մէջ չի կա՛յ քրիստոնէութեան վսեմ
ներումն և անձնուրացութիւնը, որ կը պատուիրէ դար-
ձունել միւս ծնօտն՝ երբ մին ապտակուի. Մահմէտա-
կանութիւնը՝ կը պարտադրէ իմն վրէժինդրութիւնը,
այլ ոչ չափէ կամ իրաւունք աւելի: Դարձեալ իս-
լամութիւնն՝ իրրև կրօնք ընդարձակ ու էապէս մարդ-
կային հոգետեսութիւն՝ կը քարոզէ յայտնապէս կա-
տարեալ հաւասարութիւն մարդոց. հաւատացեալի մը
հոգին ամէն երկրաւոր արքայութենէ աւելի կարծէ,
անեն մարդիկ՝ ըստ իսլամութեան ևս՝ հաւասար ևն:
Դարձեալ մարդարէ Մահմէտ այնչափ չպնդեր՝ ողոր-
մութեան պատշաճութեան, այլ անոր հարկաւորու-
թեան վրայ. օրէնքսվ կը սահմանէ թէ մարդ ո՛րչափ
տուրք պարտի վճարել ազքատներու համար և զան-
ցաւուները պարտաւոր կը սեապէ իրենց ֆւսախն իրենց
կորուստին. իւրաքանչիւր մարդու՝ տարեկան ինչ և է
եկամուտին տասներորդը սեպհական է աղքատաց. —
Նեղեալներուն և կարօտներուն: Այս ամէնը բարի՛ է,
մարդափրութեան գթութեան ուղղութեան բնական
ձայնն այսպէ՛ս կը խօսի՝ բնութեան այս անապատա-
կան զաւակին սիրտէն:

Իրապէս կըսուի նաև թէ մարդարէ Մահմէտի
արօայութիւնն և դժոխքը շատ զգայական են. երկու-
քին ալ մէջ մեր հոգեւոր զգացմունքին սարտուցիչ
շատ բաներ կան. բայց պարտ է միտ դնել՝ որ մար-
դարէ Մահմէտէ առաջ ալ Արաբք այնպէս կը հաւա-
տային, ու ինք անոնք տեղ տեղ փոխած ատենն՝ ամո-
քեց և նուազեցուց անոնց անչափութիւնը. յուե-
գոյն զգայական վարդապետութիւնը ալ իր գործը չեն,
այլ իր հետեւորդ վարդապետացն ու աշակերտաց:
Քուրանի մէջ՝ իրապէս շատ բիչ խօսուած է Դրախտի
փափկութեանց վրայ՝ աւելի ըսելեայն քան համար-
ձակ գրդռելով անոնց. մանաւանդ գրուած է նաև որ
վեհագոյն վայելքն իսկ հոգեւոր պիտի ըլլան հոն, և
գերագոյնին ամէնսասուրը ներկայութիւնը պէտք է գե-
րազանցէ հոն ամէն վայելք: Զեր ողջոյնի ձայնը, կը-
սէ, պարտի ըլլալ «խաղաղութիւն(*)» Սէշա՛մ, որուն՝
իրրև միակ երանութեան կը տենջան բոլոր բանաւոր
ողիք այս աշխարհի մէջ և զուր կը խնդրենք զայն հոս
իրրև մեծ օրհնութիւն. «դէմ առ դէմ պիտի նստիք
աթոռներու վրայ՝ վտարելով ձեր սիրտէն ամէն քէն
ու ոխ»: Ամէն քէն ու ոխ, «աղատորէն պարտիք սիրա-
փարիլ իրարու, զի ձենէ ամէն մէկն իր եղբօրն աչքին՝
արքայութիւնն իսկ պիտի ըլլայ երկնից»:

Քուրանի մէջ՝ մարդարէ Մահմէտի զգայնականու-
թեան և իր հեշտական Դրախտին սարտուցիչ ընթերց-
ւածին վրայ կը բնայինք ըսել շա՞տ բան, այլ աւելի
պատշաճ է չըսել հոս երկու գիտողութիւն միայն ու-

(*) Իմաստնագոյն և խաղաղարագոյն ողջոյն աշխարհի մեծ
մասամբ կուռաբոյծ անողջութեանց մէջ Թարգմ.

նիմ հոս, և մնացածը կը թուղում ընթերցողացո բարեմտութեան։ Առաջինը՝ Կէօթէի երկոց մէջէն պատահական դէպք մըն է, զոր արժանի կը համարիմ մէջ բերել. իր Մէյսդրի ողեւորութիւնն անուն գրուածին մէջ վէպի դիւցազնը կիյնայ մարդախումքի մը մէջ, որ ունի տարօրինակ սովորութիւններ. այս սովորութեանց մին էր սա՛. — Սահմանադրած էր Մէյսդրն՝ որ իւրաքանչիւրը մեր մարդոց պիտի պարտադրէ իր անձին տեսակ մը նեղութիւն կամաւոր՝ կշի՛ռ հակառակ իր իղձերուն երթալով՝ ինչ և իցէ պարագայի մը մէջ, և պիտի բռնադատէ ինքզինքն ընել իր չուզածը, թէպէտ և լայն արձակ ասպարէզ ալ թողուած ըլլայ իրեն ուրիշ ամէն պարագաներու մէջ։ Ասոր մէջ կը տեսնեմ ես մեծ արդարութիւն մը. շարիքն՝ հաճելի բաները վայելելուն մէջ չէ՛, այլ մեր բարոյական կեանքին անոնց գերի ըլլա՛լը չար է։ Երբ համոզուի մարդ մը՝ թէ ինք սէ՛ր է իր սովորութեանց եւ կրտնայ ու իր կամֆէ՛ն կախուած է՝ երբ պէտ ըլլայ՝ ձգել անոնի թելադրութեամբ բանին, ընտիր օրինակ մը կուտայ ասով ընտրագոյն օրէնքի մը։ Միւսիւմաններուն համար շատ պարագայք մարդարէ Մահմէտի կրօնքին, իր կենցացածն իսկ և Բամատան ամիսը կը տանին այս ուղղութեան, եթէ ոչ նախադիտութեամբ, կամ հեղինակին կողմէն բարոյական կատարելութեան որոշ առաջադրութեամբ՝ գէթ տեսակ մը արիական ողջախոհ բնազդով, որ ոչ ինչ ընդհատ բարի է։

Բայց ուրիշ բան մըն ալ կայ՝ արժանի ըսուելու Մահմէտական դժոխքի և արքայութեան վրայ. այն թէ որչափ որ ալ թանձր ու նիւթական ըլլան անոնք՝

յարացոյցն են յաւիտենական ճշմարտութեան մը, որ ուրիշ տեղ մը երբէք այնչափ աղէկ յիշատակուած չէն։ Այն խոշոր զգայական Դրախտն ահաւոր Դժոխքն հրաբորբոք ու մշտնջենապէս ակնարկուած մեծ ու ահեղ օրը Դատաստանի, այս ամէնը Պէտէվիներու վայրենի միտքին մէջ են միայն անձեւ ստուերք այն հոգեւոր մե՛ծ իրականութեան և սկիզբն ամէն իրականութեանց, որուն անտեսումը մեղի ամէնուս համար ալ աղետաբեր է և որ կանուանի՝ պարագի անհուն բնութիւնը։ Թէ մարդու գործերն այս աշխարհի մէջ ունին իրեն համար անհուն կարևորութիւն և անհնասր է անոնց չքանալ և լմբննալ, թէ մարդ՝ այս խուն կենցազին մէջ կըրնայ ամբառնալ մինչեւ վեր երկինքն և իշնել մինչեւ վար Դժոխքը, և իր երկերեանամեայ կենաց միջոցին՝ կը ճօճէ իր վրայ սոսկալի ու զարմանալի կերպով թագուն յաւիտենականութիւն մը գաղուած, այս ամէն իմաստք՝ իրրե բոցեղէն տառերով գրոշմուած էին այս անապատի մարդարէ Արարին հոգիին մէջ։ Իրրե բոցը վ ու կայծակով գրուած էին հոն, ահաւոր անպատում մի՛շտ ներկայ։ Ու ինք կը ճգնի ճառել անոնց վրայ՝ հատկլլեալ եռանդով՝ անարուեստ ու անապատական անկեղծութեամբ, կրահագագ՝ չկըրնալով խօսքով արտայայտել ամէնը, և կանձնաւորէ անոնք երկինքի ու Դժոխքի մէջ։ Ասոնք ինչ ձեռով ալ որ ըլլան արտաքերեալ և անձնաւորեալ՝ ամէն ճշմարտութեանց գլխաւորն ու մեծարուն են. ի՞նչ է մարդու գլխաւոր վախճանն հոս երկիրի վրայ. այս խնդիրին մարդարէ Մահմէտ կը պատասխանէ այնպիսի եղանակով՝ որ ամօթ պէտք է պատճառէ մենէ ուսանց.

Պէնդամի ու Բալէյի նման՝ արդարի ու անարդարի հաշիւ չբռներ նա, ձեռք չա՛ռներ Շահ ու Զէնի խընդիրներ՝ թուարկելու միտւն կամ միւսին ծայրագոյն հաճոյքը, և յաւելումի ու բարձումի գործողութիւններով մի միակ արդիւնքի մը վերածելով կեանքի իրողութիւնները՝ չհարցուներ թէ արդար կողմն յայտնապէս չգերազանցե՛ր քան անարդարը. ո՛չ, յաւագոյն բան մը չէ կարեւորութիւն տալ այսպէս միուն, և միւսին խօսքը չընել, զի մին այնպէս է միւսին քով, ինչպէս Մահը կեանքի համեմատութեամբ և Երկինք Դժոխքի. Պէտք չէ անդործ թողուլ մէկն ոչ մէկ կերպով և միւսին գործել տալ: Պէտք չէ մարդուն չափել անոնք զի անչափելի են, մին՝ մարդուն համար յաւետենական մա՛հ է և միւսը՝ կեա՛նք յաւիտենական: Պէնդամեան օգտախնդիր դրութիւնը, որ է առաքենանալ Շահ ու Զէնի հաշիւով և որ այսպէս կը վերածէ աստուածային աշխարհս մեռած ու անհմայ շոգեմեքենայի մը, ու մարդու Երկնային և անհուն հոգին տեսակ մը կշռորդի՝ ճշգրիտ կշռելու համար դժնիկն ու վարսակը, հաճոյըն և ցաւը. Եթէ հարցունէք ինծի թէ մարդու և տիեզերքի մէջ իր ճակատագիրին վրայօք՝ ո՛րն Երկուքին, մարդարէ Մահմէտ թէ վերոյիշեալք կը մատուցանեն մեզի պիտակագոյն ու վրիպագոյն տեսութիւնը. կը պատասխանեմ՝ անշուշտ ո՛չ մարդարէն:

Բովանդակելով խօսքս՝ կը կրկնեմ դարձեալ թէ մարդարէ Մահմէտի կրօնքն է տեսակ մը քրիստոնէութիւն, ունենալով իր մէջ լուսացայտ աննենդ տարր մը հոգեոր աշխարհին մէջ մենէ ամէնէն վեհն համար-

ւած հաստածէն, զոր չեն կըրնար ծածկել իր բոլոր թերութիւնք: Սկանտինաւեան Դիմ - քաղածից (god-wish)՝ աստուած անոպայ ամէն ժողովրդոց, վերածուեցաւ մարդարէ Մահմէտի ձեռքով Երկնից մէջ տեսակ մը արքայութեան, բայց արքայութիւն՝ միշտ յայտարար սրբազն պարտի և ի փոխարինութիւն հաւատքի, բարեգործութեան, դիւցազնութեան ու Երկնային համբերսւթեան, որ աւելի դիւցազնագոյն է: Սկանտինաւեան հին կրօնքն է ան՝ աւելցած անոր վրայ տարր ճշմարտապէս երկնային. պատշաճ չէ տարբեր անուանել այդ կրօնքը. առանց յառելու անոր մէջի տարբերութեանց՝ պէտք է նայիլ անոր ճշմարտութեանք: Տաներկու դարերու միջոցին՝ եղաւ ան հանուր մարդկութեան ընտանիքին հինգերորդ մասին կրօնքն ու կեանքի առաջնորդը, և նշանակելի է մանաւանդ ամէն բանէ աւելի՝ զի հաւացուեցաւ ի խորոց սրտից: Արարներն հաստատուն են իրենց հաւատքին, և կուզեն պյնպէս մնալ մինչ ի մահ: Առաքելոց ժամանակն և միայն արդի անգիտացի Մաքրականները բայցառելով՝ միւս քրիստոնեայք չապրեցան այնպէս անդրդուելի հաստատութեամբ իրենց հաւատքին մէջ՝ ինչպէս միւսլիմանք Մահմէտականութեան մէջ, հաւատալով անոր բովանդակակապէս և անով յանդիման ըլլալով ժամանակին ու Յաւիտենականութեան: Եւ այս գիշեր ալ Գահիրէի փողոցներուն մէջ երբ պահակերը ձայնէ փողոցէն անցնողին թէ «ո՞վ է ա՛ն», անոր պատասխանին հետ պիտի լսէ շուրթերէն միայն «Ալլահ էֆպէր, իսլամ, Աստուծմէ զատ աստուած չէ՛կայ» ձայնն հնչուած հոգւոց խորերէն ու նիւթ ամէնօրեայ մատ-

ծումին այս միլիոնաւոր թխաղէմներուն նախանձաւոր քարոզիչներ՝ կը տարածեն այս կրօնքն ի Մալէյեանս ի Սեաւ Պապուս և վայրենաբարոյ կուսպաշտներուն մէջ, կտրելով անոնցմէ յուռութիւններ՝ առանց դպչելու անոնց լաւ ու բարի սովորութեանց:

Մահմէտականութիւնն եղաւ արար աղջին համար վերածնութիւն մը խաւարէն ի լոյս, և Արարիա՝ նախ ա՛յս կրօնքին շնորհիւ կենդանութիւն առաւ:


Անոնք աշխարհի սկիզբէն՝ ողորմելի հովիւ ժողովուրդ մըն էին՝ վարելով կենցաղ թափառական ու աննշան անապատներուն մէջ, և ահա դիւցաղն մարդարէ մը կերսի իրենց մէջ իրր երկինքէն իջած՝ բերելով անոնց հաւատոյ բան մը. և տեսէք աննշանն ահա կը լայ նշանաւոր հանուր աշխարհի, և փոքրը կը մեծնայ բովանդակ աշխարհի տարածութեամբ. Դար մը չանցած Արարիա կընդարձակի՝ այս կողմէն մինչև կը ընդունատա ու այն կողմէն մինչև Տէլհի՝ գերափայլած վառքով արիութեամբ և հանճարի լոյսով։ Արարիա կը ճառագայթէ՝ բազմահոլով դարերու մէջէն՝ բովանդակապէս աշխարհի մեծ մասի մը վրայ։ Մեծ ու կենսատու է հաւատքը։ Ազգի մը պատմութիւնը մե՛ծ արդիւնաւոր և հոգի վեհացունող կըլլայ՝ այն վայրկեանէն երր հաւա՛ս՝ կը գերագահեն անոր մէջ։ Այս Արարները, այս մարդարէն Մահմէտ, այս դա՛րը միայն կը թուին կայծի մը խո՛ւն միա՛կ կայծի մը նման՝ աւազէ աննշան աշխարհի մը վրայ երկինքէն ինկած, այլ բարէ, այդ աւազեայն կը դառնայ կըլլայ վառող մը պայթուցիկ՝ որ կը հրդեհի երկնաբերձ Տելհիէն մինչև կը ընդունատա՝ լսած եմ արդէն, մեծ մարդն եղած է

միշտ կայծակ մը երկնընկէց, և միւս մարդիկ կըսպասեն անոր՝ վառելի խոփւներու նման. Եւ ահա կիյնայ կայծակը, և բովանդակ այդ խոփւը մարդկային՝ կը բուընկի՛ կը բոցավառի՛ և կը բոցավառէ^(*):

ՎԵՐՋ

(*) Ճառագայթի մը անդորրանշող մեղմութեամբ սկսող և կայծակի սուրբ բոցավառութեամբ աւարտող թ. Փարլայլի այս գրուածը, որ բնագիրին մէջ ունի մարդարէկական տագնապեցուցիչ խրթնութիւն մը՝ պէտք է շատ ուրեք ընդուսաւցանէ մեր հայ ընթերցողներէն անոնք ալ՝ որ քրիստոնէական համբերող և ժուժկալ վարդապետութեանց դրժելով՝ իրենց զգայապաշտութիւնը Մահմէտականութեան յառաջբերութեամբ սքողել կուզեն, կարծելով թէ իսլամ՝ Մարդարէն զգայապաշտութեան և անխափիր մարմանական ախորժներու յագեցման կուսակից էր, որ չէր այնպէս՝ ինչպէս այս գրուածին մէջ շատ տեղ ու մասնաւ որապէս 59րդ էջին մէջ յայտնի է։ Մարդարէ Մահմէտ բազմօք ժուժկալ պահող մըն էր. իսալացի բազմահմուտ մը իր կերակրոց վրայ ևս՝ սապէս կը գրէ «Կերակրութիւն էին անպաճոյն, այլ վասն իւրաց կերակրոցն զունութեք պէտք լինէին կրակի, ուտէր դոյզն հաց գարւոյ, միքելի էր նմա մեծապէս կաթն և մեղր, այլ սովորական կերակրունուած էր արմաւ և չուր. սիրէր յոյժ զմունկս անուշունս... (Բամբոլտի՝ վարք Մուհամմէտայ. Թարգմ. Յովհ. Պրուսացի Տէրոյենցի, ճեռագիր էջ 534)։

Եւ արդէն՝ սեմական հին մարդարէից զպրոցն ամէն ատեն մսաթող և պարկեցտ միամուսնական եղած են։ Ականջը խօսի մեր յաբէթեան ամէնակեր բազմակին կարգ մը երիստոնեաներուն...։ Պէտք է վերջաբանաբար զիսնալ նաև՝ որ թ. Թարլացի կը վերաբերի անդղիական բողոքական քրիստոնէութեան, որ աւելի հաշտ է Մահմէտականութեան վարդապետութեանց ալ հետ։



Թարգմ.

ԱՄՐԵՒՌՈՐ

ԿԶ	ՏԸՆ	ՎՐԻՊԱԿՔ	ՈՒՂՂԵԱԼՔ
9	20	Սգանտինաւեանց	Սկանտինաւեանց
41	18	չպիտի կրնայ	չպիտի կըրնայ
52	18	անապատականի	անապատական
56	1	ընէիք	ընէիք»:



ՆՈՐԱԳՈՅՆ ՀՐԱՏԱՐԱԿՈՒԹԻՒՆՔ

Ա. Պ. ԵԱԶԸՑԵԱՆ ԵՒ ԲՆԿ

Կ. Պոխ, Սուլիսն Համամ, Պազրենքլար, թիւ 11

Պատմութիւն Հայոց միջին, Ա. Պ. ԵԱԶ-

կոնց գիշ 7 դր.

Պատմութիւն Հայոց միջին, Բ. » 8 »

Պատմութիւն Հայոց տառական » 6 »

Ավագանագրութիւն » » 5 20 »

» միջին » 10 »

3. Գ. ՄՐՄԸՆԵԱՆԻ

ԱՆՐՁԵՆ ԳՈՐԾՎԵՐԸ

Թուրքահայոց վաճառականութիւնը . գիշ 12 20 դր.

Ասուերէ հին գէմքերու » 5 »

Հին օրեր պատէ և. Միասնեան » 7 20 »

19րդ Դար Յովին. Պրու. Տերոյենց. . . . » 12 20 »

Ալելուիա տաճնեակ իմաստասիրական. . . . » 7 20 »

Պատմ. Թուրքահայոց (ի բաժանութաւ-
գրութեան) » 30 »

Կը ծախուին Բերա՝ Սրբանտիսի դիմաց Գառնիկ
Կիւլէրեանի խանութը, Կ. Պոխ՝ Պալենց Եաղլընեան և
Գըլընեան գրատուններն և մեծաքանակ' հեղինակին քով

ՀՀ Ազգային գրադարան



NL0170339

